



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

B 1,234,700

GRAD  
EREN  
796  
v. 1, 3  
BUHR



ՀԱՅԿԱՍՏԱՆԻ ԳԻՏԱԿԱՆ ԳՐԱԴԱՐԱՆ

Charcoal - 1000 - 1/2 lb. 7/8

ՀԱՅ ԵԿԵՂԵՑԻՆ

695-6

I

ԳՐԱԴԱՐԱՆ
ԳՐԻԳՈՐ ԱՓԱՋԵԱՆ
Կարգաթիվ 695

(Արտատպած „Ա. Ռ. Մ. Ա. Յ.“ հանդիսից)



Թ. Ի. Է. Ի. Ա.


Տպարան Մ. Շարածէ և Լսկ., Նիկ. 21.

1901

UNIVERSITY OF MICHIGAN LIBRARIES

6KAD  
ENKA)  
286  
Kulur  
V. 1,3

Дозволено цензурою, Тифлисъ, 15-го Декабря 1900 года





## ՉՈՐՐՈՐԴ ԳԱՐՈՒ ՀԱՅ ԵԿԵՂԵՑԻՆ

Տ. Ս. ԱՐԻՍՏԱԿԷՍ ՊԱՐԹԵՒ

### 1. ԿԱԹՈՂԻԿՈՍՈՒԹԵՆԷ ԱՌԱՋ



Արիստակէս Լուսաւորչի և Մարիամու  
կրտսեր որդին է: Իւր ծննդեան  
թուականը գրինք արգէն 364-ին,  
և ըսինք ևս թէ իւր հօր մեկ-  
նելէն յետոյ մնաց մօրը խնամ-  
քին ներքև և անոր հետ վանք  
առանձնացաւ և ապահով ապաս-  
տանարան դտաւ: Մօրը հետ մնաց  
մինչև արբունք հասնելը, այսինքն շուրջ 15 տարեկան  
լինելը, և յետոյ աշակերտեցաւ Նիկոմաքոս անուն ճըգ-  
նաւորի մը. և երբ աշակերտութիւնը վերջացաւ, իրեն  
համար առանձին ճգնարան ունեցաւ և շուրջը աշա-  
կերտներ հաւաքեց: Ի հարկէ այդ ամենը Կեսարիոյ  
ջրջակայից մէջ կատարուեցաւ:

Արիստակէսի վրայ ուրիշ տեղեկութիւն չունիմք

մինչև այն ատեն, որ Տրդատայ հրաւերով Հայաստան եկաւ և եպիսկոպոս ձեռնադրուեցաւ և իւր հօր օգնական եղաւ: Այս պարագայն ալ արդէն 306 թուականին կատարուած հաշուեցինք, Արիստակէսի 42 տարեկան եղած ատեն: Որովհետև Արիստակէս լոկ անպատաւոր և միայնաւոր կը ճանչցուի, ուստի պէտք է ըսել թէ Կեսարիա եղած ատեն եկեղեցականութեան մտած չէր, և քահանայութիւնն ու եպիսկոպոսութիւնըն ալ հաւասարապէս իւր հօրմէն ստացաւ: Այն ժամանակ արեղայութիւնը լոկ կրօնաւորութիւն էր առանց եկեղեցական աստիճանի:

Իւր հօր կենդանութեան ժամանակ Արիստակէս ամենայն ինչ եղած է, զի Լուսաւորչի տկարութեան և առանձնասիրութեան սլառճառաւ բոլոր հովուական հոգեր որդւոյն վրայ ծանրացած էին. այսու հանդերձ մասնաւոր կերպով պատմուած պարագաներ չունիմք. իբր զի ամենայն ինչ Լուսաւորչի անունով կը գործուէր: Ապա թէ ոչ պէտք է ճանչնալ թէ այն ժամանակի հաւատոյ կանոններ, բարեկարգութեան սահմաններ և բարոյական ուղղութիւններ՝ բոլորն ալ Արիստակէսի աշխատութեամբ հաստատուած են մեր եկեղեցւոյն մէջ:

Արիստակէսի նկարագրին իբր զլիաւոր գիծեր պէտք է նկատել արտաքին ճգնաւորական կերպարան՝ անշուք և անփառունակ, զօրօտ և ծաղրելի երևնալու չափ ոմանց աչքին. իսկ ներսէն նախանձախնդիր և խիստ հոգի՝ առանց աչտառանց և առանց երկիւղի. ճշմարտութեան և բարեկարգութեան խստապահանջ պաշտպան. զեղծումներու և զեղծեալներու դատապարտող և յանդիմանող:

Արիստակէսի կեանքին և մեր եկեղեցւոյն պատմութեան համար նշանաւոր կէտ մ'է Նիկիոյ ժողովոյն մէջ նորա ներկայութիւնը: Մեզի հասած ժողովական հարց

ցուցակներուն մէջ ևս կը յիշուի Հայոց Մեծաց աշխարհէն սուրբ հայր մը. թէպէտ անունը ցուցակներու մէջ այլապէս երևնայ, այսինքն Արիստակէսը՝ Արիստարկէս կամ Արիստեկիսոս եղած: Ըստ մեզ նոյն ինքն Արիստակէսն է նաև ուրիշ ցուցակի մը մէջ նշանակուած Արսափիոս Ծովաց եպիսկոպոսը, զի նոյն ցուցակը Մեծ Հայքէն ուրիշ անուն չյիշեր: Անուններու աղաւաղումը գրչագիրներու մէջ ստէպ հանդիպած մի բան է:

Թէպէտ Արիստակէս Մեծ Հայոց աշխարհէն կ'ըսուի, այլ ուղղակի Մեծ Հայոց եպիսկոպոս չկոչուիր, և ոչ ալ Մեծ Հայոց եպիսկոպոս Գրիգորի փոխանորդ կը կոչուի: Թէպէտ ուրեք Դեսոպոնտոսի և ուրեք Թրեմիոյ եպիսկոպոս կոչուած է, այլ ասոնք լետ և յառաջ անուններու հետ տեղի ունեցած պարզ շփոթութիւններ են, և ընտրեյագոյն է Ծովաց եպիսկոպոսի կոչումը զոր ուրիշ օրինակներ կուտան: Արիստակէսի Ծովաց մէջ սպանուելը, Ծովաց մէջ ստէպ շրջելը, Ծովաց մէջ Խողանի (այժմ Խողաթ) եկեղեցին շինելը (Ասողիկ. եր. 64), իրաւունք կուտան հետեցներու թէ Ծովաց աշխարհը Արիստակէսի նախնական և սեփական վիճակը եղած էր: Ծովաց աշխարհին կարևորութիւնն ալ այդ մեկնութիւնը կ'արդարացնէ:

Արիստակէսի Նիկիոյ ժողովին երթալուն յարակից պարագաներէն յիշենք նախ, թէ Պարսից Յովհաննէս և Մծբնայ Յակոբ և Եգեսիոյ Եւթաղ եպիսկոպոսները ուղեկից ունեցաւ մինչև Կեսարիա, թէ Գրիգոր Աստուածաբանի հօր Գրիգորի մկրտուելուն ներկայ եղաւ ի Նազիանդ Ղևոնդիոսի հետ, թէ Կեսարիայէ անդին Կեսարիոյ Ղևոնդիոս եպիսկոպոս ևս ուղեկից ունեցաւ: Կը պատմուի ևս թէ Նիկիոյ լիճին եզերքը Արիանոս տեղացիներ սկսան Արիստակէսը ծաղրել իւր անփառունակ կերպարանքին համար իբր սոսկական մշակ մը

նախատելով զնա, և թէ Արիստակէս եղներով լծուած արօր մը համարձակ լինին վրայ տարաւ և ջուրը հերկելով անվտանգ դուրս ելաւ:

Ժողովական գործողութեանց մէջ Արիստակէսի յատուկ յիշատակութիւն մը չունիմք, միայն թէ իբրեւ Լուսաւորչի զաւակ և իբրեւ առաքելանման հովիւ Կոստանդիանոս կայսեր և բոլոր եպիսկոպոսակից հայրերու կողմէն ընդհանուր յարգանաց առարկայ եղած լինելը պատմուած է:

## 2. ԿԱԹՈՂԻԿՈՍՈՒԹԻՒՆԸ ԵՒ ՄԱՀԸ

Ժողովէն դառնալէն, ետքը Արիստակէս իրապէս և պաշտօնապէս հայրապետական աթոռը ստանձնեց. վասն զի նոյն միջոցին վախճանեցաւ Ս. Լուսաւորիչը, ինչպէս պատմութեանս առաջին մասին մէջ բացատրեցինք և ճշդեցինք: Ասողիկ կ'ենթադրէ թէ այդ առթիւ Արիստակէս Կեսարիա գացած լինի ձեռնադրութեան համար (եր. 63): Սակայն Սկզբնական պատմութիւններ, և ոչ իսկ Բիւզանդը, այսպիսի բան մը չեն պատմեր: Արիստակէս եպիսկոպոսական ձեռնադրութիւն ունէր, և Նիկիոյ ժողովին ներկայ եղած էր իբրեւ եպիսկոպոս, և հայրապետական պաշտօնն ալ արդեամբ կը վարէր, ուրեմն առանց նոր ընտրութեան անզգալի կերպով մը Աթոռին բուն տէրը դարձաւ: Ձեռնադրութիւնը եպիսկոպոսական աստիճանին համար պէտք էր, և եպիսկոպոսութենէ հայրապետութեան անցնելը ըստ հին սովորութեան նոր ձեռնադրութիւն չէր պահանջեր: Հետեւեալը Արիստակէսի Կեսարիա երթալը ընդունելի չէ կարող լինել:

Արիստակէսի հայրապետութեան տևողութիւնը 7 տարի ըսուած է Խորենացիէն (եր. 378) և մեք հարկ



չեմք տեսներ այդ տեղութիւնը փոփոխել: Միայն թէ ոչ ևս կարող եմք այդ եօթնամեայն սկսել 333 էն, ինչպէս կ'ընէր Հին Հաշիւը, այլ 326 էն սկսելով կը լրացնեմք 333 ին: Առ այս բաւական լինին որչափ ինչ Լուսաւորչի մահուան վրայ գրեցինք:

Այդ թուականներու փոփոխութեան պատճառով պէտք է Արիստակէսի ժամանակ դնել Տրդատայ մահը և Խոսրովու յաջորդելը, որք տեղի ունեցան 330 ին: Խորենացին այդ պարագայն Վրթանէսի կուտայ (Բ. եր. 10), բայց Բիւզանդ Վրթանէսի հայրապետութիւնը Խոսրովու թագաւորելէն յետոյ կը դնէ (եր. 6.) պատմական ուրիշ գիպուածներ հակառակութիւն չեն կրեր, և թղթակցական յարաբերութիւնք աւելի զիւրութեամբ կրնային կատարուիլ Արիստակէսէ, որ Կոստանդիանոսը անձամբ ճանչցած էր Նիկիոյ ժողովին առթիւ: Թէպէտ և Խորենացին Կոստանդի կը վերագրէ Խոսրովի հաստատութիւնը, այլ Կոստանդիանոս 337 ին մեռած լինելով, անհնար է մինչև այն ատեն հասցնել Տրդատայ մահը, որ այդ ենթադրութեամբ 100 տարեկան մեռած պիտի ըսուէր: Հաստատութիւնը Կոստանդիանոսի ժամանակ ընդունուած ատեն, ինչպէս ընդունած է և Արծրունին (եր. 58), աւելի յարմար է միջնորդի դերը Արիստակէսի տալ, Կոստանդիանոսի հետ անձնական ծանօթութեան համար, ինչպէս արդէն գիտել տուինք:

Պատմութիւնը շատ աղքատ է Արիստակէսի հայրապետական գործունէութեան մանրամասնութեանց նրկատմամբ, և մեք չեմք կարող ենթադրական պարագաներով քարդարել զայն: Գլխաւոր պարագայն իւր նախանշաւոյզ ընթացքն է: Արքունիքը, աւագանին և երկրին բարձրագոյն դասակարգը չկրցաւ իսկոյն հրաժեշտ տալ Հին հեթանոսական սովորութեանց. և նախկին զեղձումները կուզէր նոր դաւանութեան պատուաստել: Արիս-

տակէս տղայութենէ քրիստոնեայ, տննգեամբ ճգնաւոր և խստակրօն սկզբանց տէր, չէր կարող անտարբեր մնալ: Նոյն ինքն Տրդատ չէր կարողացած ներել, և ոչ իսկ արքունական ազդեցութեամբ քրիստոնէական բարեկարգութիւնը զօրացնել, և նահատակ եղած էր իւր բարեկրօն սկզբանց:

Արիստակէս ալ նոյն վախճանը ունեցաւ և բռնական մահուամբ կեանքը վերջացուց: Իրաւ անհատական դաւաճանութեան զոհ եղաւ, բայց ոչ նուազ ստուգ է թէ զոհ եղաւ իւր նախանշալովդ եռանդին: Արիստակէս կը գտնուէր Ծովաց երկիրը, ուր բղետաշխ էր Արքեղայոս, այն նախարարներէն մին, որք աւելի հրաւիրած էին վրանին սրբոյն կշտամբանքները: Պէտք է ենթադրել թէ շուրջ կշտամբանքէ աւելի բան մը ըրած ըլլալու է Արիստակէս, թերեւ բանագրանքի կամ նգովքի սաստն ալ գործադրեց, որ Արքեղայոսի արիւնախանձ վրէժխնդրութեան հանդիպեցաւ: Խորենացին կը գրէ. «Պատահեալ ի ճանապարհի սպան զնա սրով» (եր. 378), իսկ Բուզանդ Արիստակէսի խոստովանողական մահը կը յիշատակէ (եր. 6)։

Արիստակէս թաղուեցաւ Եկեղեաց գաւառի Թիլ գիւղը: Չեմք գիտեր թէ Ծովաց որ կողմը պատահեցաւ ապանութիւնը, և հետեւեալ չեմք կարող ճշգեջ թէ մօտաւոր կամ հեռաւոր տեղէ մը բերուեցաւ մարմինը: Թիլ բերուելուն պատճառը կուտայ Բիւզանդ կոչելով զայն «կալուած Գրիգորի հօրն իւրոյ» (եր. 6): Թիլի գերեզմանը մեզի փաստ կը չինի ըսելու թէ գեռ չըկայր Լուսաւորչի գերեզմանը ի Թորգան, թէ ոչ այնքան թաղուած կը չինէր Արիստակէսն ալ: Անտէր և ամայի վանք մ'է այսօր Արիստակէսի գերեզմանը Երզրնփայի գաշտին մէջ Թիլ գիւղի մօտ, Զուխտակ Հայրապետ անունով ճանչցուած:

Արիստակէսի ծնունդը եղած էր ի Կեսարիա, հաւանաբար 264 ին, իւր Հայաստան գալը դրինք 306 ին, եւր 42 տարեկան էր, որ կը լինի նաև իւր եպիսկոպոսանալուն ալ թուականը: Լուսաւորչի մահուանէ յետոյ հայրապետ հռչակուիլը դրինք 325 ին վերջը 62 տարեկան եղած ատեն, խոստովանողական մահն ալ տեղի ունեցաւ 333 ին 69 տարեկան եղած ատեն:

Արիստակէսը կուսակրօն էր, և Լուսաւորչի սերունդը միակ գիծով շարունակեց Վրթանէսի կողմանէ, որովհետև այս երկուքէն զառ ուրիշ զաւակ չլիջեր պատմութիւնը:

## Տ. Ս. ՎՐԹԱՆԵՍ ՊԱՐԹԵՒ

### 3. ԿԱԹՈՂԻԿՈՍՈՒԹԵՆԷ ԱՌԱՋ

Վրթանէսի նախնիքաց կեանքին վրայ ունեցած տեղեկութիւննիս Արիստակէսէ աւելի չէ: Ծնունդը եղաւ Կեսարիա 261 ին. և իւր հօր մեկնելէն յետոյ մնաց աշխարհական վիճակի մէջ, և ամուսնացաւ, հարկաւ 280 թուականէ ետքը: Բուզանդ կը պատմէ թէ երկար ատեն անորդի մնաց. և «ի ծերութեան» աղօթքի զօրութեամբ երկուորեակ զաւակներու տէր եղաւ (եր. 10): Ծերութեան տարիքը պէտք չէ բառացի կերպով իմանալ, զի այնուհետև դժուարին կը լինէր իւր սերնդոց հաշիւը գտնել, և մինչև Սահակ, որ 350 ին ատենները պէտք է ծնած լինի, չորս ծնունդներու համար գոնէ 70 տարուան միջոց զետեղել: Հետեաբար բաւական կը սեպեմք ըսել թէ իբր 15 տարի անորդի մնաց Վրթանէս և 295 ին ունեցաւ Գրիգորիս և Յուսէփ երկուորեակ զաւակներ:

Վրթանէսի զբաղանքն ևս մեզի անյայտ մնացած

է: Ոմանք կարծեցին թէ Կեսարիոյ մէջ քահանայութեան կոչուած ըլլալ, ալ մեք կը կարծեմք թէ Վրթանէսի տրուած երէց բառէն ծագած է այդ շփոթութիւնը. և այն որ անդրանիկ լինելը բացատրելու համար տրուած է, քահանայ իմաստով առնուած է: Եւ ոչ մի պատմական հանգամանք չնպաստեր Վրթանէսը Կեսարիոյ մէջ քահանայ եղած ենթադրելու:

Հայաստան գալը Արիստակէսի հետ միատեղ եղաւ. և եթէ Արիստակէս կրօնաւորական կեանքին համար նախապատուութեամբ և առաջ եպիսկոպոս ձեռնադրուեցաւ, Վրթանէս ալ եկեղեցականութեան մտած է իւր հօր ձեռնադրութեամբ, թէպէտ աւելի ուշ: Միւս կողմանէ անհրաժեշտ է չտեսնել Վրթանէսի կեանքին մէջ քաղաքական գործերու հետ ունեցած յարաբերութիւնները, որ հետեւանք է անշուշտ իւր ընդունակութեան, ալ և փորձառութեան: Հետեւեալ մեզի համար շատ պարզ է որ Վրթանէս եկեղեցականութեան մտնելէ առաջ և յետոյ, պետական և քաղաքական գործառնութեանց մէջ պաշտօնական դեր ունեցած է:

Սակայն Վրթանէսի գործունէութեան յիշատակութիւնը կը սկսի իւր եղբոր մահուանէ ետքը: Երբ Արիստակէս նահատակուեցաւ, ոչ միայն Լուսաւորչի զաւակներուն սէրը, ալ և Վրթանէսի անձնական արժանեաց հաւաստիքը համոզեցին բոլոր ազգը որ Վրթանէս կաթողիկոս հռչակուի 333 ին 72 տարեկան հասակին մէջ Խոսրով Կոտակի թագաւորութեան երրորդ տարին:

#### 4. ԿԱԹՈՂԻԿՈՍՈՒԹԻՒՆԸ

Ամեն պատմագիրներ կը լռեն Վրթանէսի ձեռնադրութեան պարագայն և ուր նոքա կը լռեն, աւելորդ է ենթադրական պարագաներ ստեղծել. ուստի պէտք է

ընդունել թէ Վրթանէս Կեսարիա գացած չէ ձեռնադրութեան համար: Նշանաւոր է մանաւանդ Բուզանդի լռութիւնը (եր. 6), որ ուրիշ առիթներու մէջ ամենայն փութաջանութեամբ կաշխատի Կեսարիոյ աթոռին զանազան պատիւներ և իրաւունքներ վերագրել: Չերթալուն պատճառն ալ յայտնի է, զի Վրթանէս, եթէ ոչ առաջ, գոնէ Լուսաւորչայ վերջին ժամանակին և Արիստակէսի Նիկիա երթալուն առթիւ եպիսկոպոսական ձեռնադրութիւն պէտք է առած լինի:

Կրնայ ընդունուիլ թէ առանց Կեսարիա երթալու, Վրթանէսի կաթողիկոս լինելուն առթիւ Կեսարիոյ աթոռոյն գիմում եղած լինի: Այդպիսի յարաբերութիւնք սովորական էին հին ժամանակները մեծ աթոռներու մէջ, որոց աթոռակալներ իրենց ընտրութենէ յետոյ գիմացէ գիմաց սիրոյ և հաղորդութեան գիրեր կը փոխանակէին, իրենց դաւանութիւնն ալ բացադրելով, իբրև հիմն քրիստոնէական սիրոյ և հոգևոր հաղորդութեան: Բայց այդ յարաբերութիւնք բնաւ իշխանութեան նշանակութիւն չունէին և ոչ իրարու վրայ տիրապետութիւն կը ցուցնէին:

Վրթանէսի հայրապետութեան առաջին օրերը կըրնան խաղաղական կոչուիլ, թէպէտ երկարատև եղած չլինին: Խոսրովու և Վրթանէսի ժամանակ երկրին մէջ տիրող երանաւէտ խաղաղութեան և աշխարհաշէն ձեռնարկութեանց վրայ Բուզանդի գրածը (եր. 7), այդ միջոցին կը պատկանի, վասն զի քիչ ետքը երկիրը սկսաւ նեղուիլ ներքին ապստամբութիւններով, որոնց անմիջապէս յաջորդեցին պարսկական պատերազմներ, որք սկսան 337-ին, Կոստանդիանոսի մահուան տարին, և 297-ին դաշնադրեալ քառասնամեայ խաղաղութեան աւարտելուն առթիւ:

Այդ շփոթութեանց մէջ Վրթանէս ալ Խոսրովի-

Հետ յոգնեցաւ և աշխատեցաւ և խաղաղութիւն վերահաստատելու ջանքերուն գործակցեցաւ: Իւր անունը յիշուած կը տեսնեմք Որդունեաց և Մանաւագեանց եղբայրասպան կռուոյն մէջ (Բուզ. 9.), Սանատրուկի կամ Սանեսանի նուաճման մէջ (Բուզ. 17), Բզնունի Գատաբենի ապստամբութեան առթիւ (Բուզ. 19), Ռշտունի Մանաճիրհի տարապարտ վրէժխնդրութեան խնդրոյն մէջ (Խոր. 16), ևս և Պարսիկներու դէմ եղած պատերազմներուն մէջ (Բուզ. 26), այնպէս որ անհակառակ կարող եմք ըսել, թէ Վրթանէս աշխարհավար արդիւնքներով ալ պայծառացաւ ոչ նուազ քան եկեղեցական աշխատութիւններով:

Այդ տեսութեամբ իրարմէ կարի տարբեր են Ս. Լուսաւորչի երկու զաւակները. և գուցէ այդ տարբերութեան հետեանք է որ պատմութիւնն ալ անխտիր ամեն քաղաքական գործունէութիւն Վրթանէսի կը վերագրէ, առանց ի նկատ առնելու ժամանակագրական պահանջները: Արդէն յիշեցինք թէ ինչպէս Խոսրովու թագաւորելուն համար հայրապետական միջամտութիւնը ժամանակագրական կարգով Արիստակէսի կը պատկանի, մինչ Խորենացին զայն Վրթանէսի կուտայ, թէպէտ միւս կողմանէ Բուզանդ Վրթանէսի հայրապետութիւնը Խոսրովու թագաւորելէն յետոյ կ'ընէ:

Կը կարծեմք թէ պատմական ստուգութիւն մը հաստատած կը լինիմք եթէ ըսեմք, թէ կանուխէն ալ Վրթանէս պետական և վարչական պաշտօններով զբաղած էր արքունիքին մէջ: Արդէն իւր զաւակներէն Յուսիկ, իւր թոռները Պապ և Աթանազիոնէ, և իւր թոռնորդին Ներոնէս, պալատական և զինուորական զբաղմանց հետեւած են, միայն Գրիգորիս կայ Արիստակէսի կրօնաւորութեան հետեւող: Այդ տեսութեան կը ձգտուէ անշուշտ Լուսաւորչի արքայազարմ տունէն:

լինելը, և նոյն իսկ Լուսաւորչի պալատական զբաղմանց կեանքն անցնելը:

Վրթանէսի եկեղեցական հոգատարութեանց մէջ յիշատակութեան արժանի է Մակար Երուսաղեմայ հայրապետին հետ յարաբերութիւնը. և ինչ ինչ խնդրոց համար նմին ուղղած հարցումները, և Մակարի պատասխանները, որք «Կանոնք Մակարայ» անուամբ և 9 գլուխներու բաժնուելով կանոնագիրքին մէջ անցած են Օձնեցւոյն ձեռօք (Կան. եր. 80): Մակար Երուսաղեմացին 314-ին աթոռ բարձրացած և 334 ին մեռած լինելով, այդ թուականն ալ կը պարտաւորէ զմեզ մինչև 340 չտանել Վրթանէսի կաթողիկոսութեան սկիզբը, ինչպէս կընէ հին հաշիւը: Վրթանէս Մակարի հետ թղթակցած լինելու համար, պէտք է գոնէ 333-ին հայրապետութեան աթոռը նստած լինի, ինչպէս որ մեք ևս գրինք:

Գեղեցիկ յիշատակ մը ևս ունիմք Բուզանդէ պահուած: Պարսից պատերազմին մէջ բաւական մեծ կորուստներ տուեր էին Հայոց աւագանին և բանակը: Վաչէ Մամիկոնեան սպարապետն ալ կորուոյն մէջ մեռած էր և մեծ սուգ կար երկրին մէջ: Վրթանէս սկսաւ ժողովուրդը մխիթարել հոգևոր խրատներով. նկատել տուաւ թէ Պարսից նպատակն էր յաղթութենէ յետոյ իրենց կրօնքին բռնադատել Հայերը, ուստի պատերազմին մէջ մեռնողներ եկեղեցւոյ և հաւատոյ համար արիւն թափած են. և «Ընդ վկայս Քրիստոսի է նոցա համար պատուոյ»: Այդ պատճառով «Եզ օրէնս ընդ աշխարհն՝ մեծ քահանայապետն Վրթանէս զնոցա առնել յիշատակ ամ յամէ, և որք փոխանակ աշխարհին փրկութեան մեռանիցին ի նմանութիւն նոցա, եդ կանոն յիշել զսոսա առ սուրբ սեղանն Աստուծոյ ի ժամ պատարադին, յորժամ զանուանս սրբոցն կարգի-

ցեն, և ապա զկնի նոցա զնոցայն (եր. 26—28): Վա-  
չէեանց տօնը այժմ չկայ, այլ յետագայ նմանօրինակ  
յիշատակելոց հետ միացած և այժմեան Վարդանանց  
տօնը եղած է, և այդ տօնին տրուած ազգային տօն-  
կամ ազգային յիշատակ կոչումը այս կերպով իւր ար-  
դարացումը կը գտնէ:

##### 5. ՎԵՐՋԻՆ ԺԱՄԱՆԱԿ ԵՒ ՄԱՀ

Քաղաքական դէպքերու շարքը կազմել մեր նիւ-  
թէն դուրս է, և միայն եկեղեցական պատմութեան  
յարակից մասերը քաղելով կը բաւականանամք: Ընդհա-  
նուր խռովութիւնը սկսած էր երկրին մէջ գլխաւորա-  
պէս երկու ապստամբ բռնիւններուն երեսէն, Փայտա-  
կարանի Սանատրուկը կամ Սանեսանը հիւսիսէն, և  
Աղձնեաց Բակուրը հարաւէն: Ասոնց ետեւէն Պարսից  
բանակն ալ ներս մտաւ, և Դատաբեն Բզնունի սպա-  
րապետն ալ անոնց կողմն անցաւ: Այդ էր երկրին վի-  
ճակը 337-ին: Խոսրով փոփոխ բաղդով մրցեցաւ անոնց  
հետ Վրթանէսի խորհրդակցութեամբ. և Վաչէ Մամի-  
կոնեան, Վահան Ամատունի, Մանաճիհր Ռշտունի,  
Արշաւիր Կամսարական և Անդովկ Սիւնի զօրավարնե-  
րուն ձեռքով: Խոսրով ունեցաւ մասնաւոր յաղթութիւն-  
ներ, այլ չկրցաւ երկիրը խաղաղացնել և 339 ին մեռաւ  
յոյժ դժուար կացութիւն մը թողլով իւր որդւոյն և յա-  
ջորդին: Առանց ուզելու վճռաբար ճշդել թէ Սանատ-  
րուկի և Բակուրի և Դատաբենի մահերը ինչ ազդեցու-  
թիւն ըրին ընդհանուր կացութեան վրայ, կը բաւա-  
կանանամք դիտել տալ թէ ներքին ապստամբութիւն-  
ներ և Պարսից յարձակումներ թոյլ չտուին Տիրանի իւր  
իշխանութիւնը հաստատել, մինչև որ վերջիվերջոյ  
ստիպուեցաւ երկիրն ալ թողուլ և Յունաստան ապա-  
ւինել:



Այդ միջոցին պէտք է դնել Վրթանէսի կեանքին դէմ դաւաճանութիւնը, որ հաւանաբար Խոսրովու վերջին տարին տեղի ունեցած է: Վրթանէս կը գտնուէր Տարոն աշխարհախումբ տօնը կատարելու, որ քրիստոնէական ձև առած և յաջորդած էր հին հեթանոսական տօնին, և կաթողիկոսն ալ անձամբ ներկայ կը գտնուէր (Բուզ. 7): Երկու հազարի չափ լեռնականներ «ի բնակչաց Սիմ լերին» (Սոփ. 52), «ի սագրելոյ նախարարաց» (Խոր. 4), կուգէին Վրթանէսի կեանքը դաւաճանել, այլ հրաշալի կերպով արգելուեցան, և Վրթանէս անվտանգ տնցաւ և գնաց Թիլ իւր կալուածը և եղբօրը գերեզմանատեղին: Ըստ Բուզանդայ «Մեծի Հայոց տիկնոջն» (Բուզ. 8) մատը եղած է այդ դաւաճանութեան մէջ, այլ դժուարին է ենթադրել որ Խոսրովու և Վրթանէսի սերտ կապակցութեան միջոցին այսպիսի մի դաւաճանութիւն գործէ թագուհին: Պէտք է ուրեմն ըսել թէ՛ Աղձնեաց ապստամբ բղէշիին կինն է ինքզինքը Հայոց Տիկին կոչել տալու և Ս. Հայրապետին դէմ ելնելու յաւակնութիւնն ունեցող դաւաճան կինը:

Խոսրովու որդւոյն Տիրանին վիճակը ևս քանզևս կը դժուարանայր ինչպէս վերև կըսէինք. ծերունին Շապուհ նոյն իսկ իւր ներսէ՛հ որդին ղրկած էր զօրաւոր բանակով՝ Հայոց աշխարհն ու թագը գրաւելու, և այս պատճառով Տիրան Կոստանդնուպոլիս փախչելու ստիպուեցաւ: Վրթանէս ևս, որ յունասէր կուսակցութեան պետերէն մէկն էր, գուցէ և գլխաւոր զրդիչը սեպուած էր. պարտաւորեցաւ թագաւորին հետ ինքն ալ մեկնիլ, թէ՛ վտանգէ խոյս տալու և թէ՛ օգնութիւն փութացնելու նպատակով:

Տիրանի Կ. Պոլիս երթալը կը պատմէ Խորենացին (եր. 22), և անուղղակի կը հաստատուի այն Յուլիա-

նոս Կեսարին Կոստանդ կայսեր առջև խօսած ճառէն, ուր Հայոց իշխանին կամ թագաւորին փախչելը կը լի-  
շուի առանց անունը տրուելու, և կըսուի ևս թէ  
պարսկական կուսակցութեան զօրութենէն ստիպուած  
էր նա փախչել. և թէ կուսակցութեան շահուելովը և  
կայսեր օգնութեամբը Հայոց թագաւորը կըցաւ վերստին  
իւր գահը գրաւել խաղաղութեամբ (Քաթըրճեան Բ.  
463): Խորենացիին և Յուլիանոսին պատմածները զիրար  
կը լրացնեն և կը կենդրոնանան Տիրանի վրայ, և հնար  
չէ ուրիշ կերպով բացադրել այսպիսի նշանաւոր գիտ-  
պուած մը:

Տիրանի և Վրթանէսի բացակայութեան ատեն, թա-  
գաւորութեան խնամակալն էր Արշաւիր Կամստրական  
որ Պարսից վրայ յաղթութիւն ալ տարաւ. այլ Հայրա-  
պետութեան տեղապահը յայտնի չէ, դուցէ եղաւ Փա-  
ռէն Աշտիշատի մայր եկեղեցւոյն եպիսկոպոսը որ յետոյ  
կաթուղիկոսութեան ալ բարձրացաւ: Ամեն առթի մէջ  
այդ միջոցը երկար չեղաւ, զի Արշաւիրի յաղթութեամբ, և  
պարսկական կուսակցութեան տկարանալով և Կոստանդի  
պաշտպանութեամբ երկիրը հանդարտեցաւ և Վրթանէս  
և Տիրան իրենց աթոռները դարձան:

Վրթանէս ծերացեալ հասակին մէջ այդ տաքնապ-  
ներն ալ կրելէ և այդ յաջողութիւնը գլուխ հանելէ  
ետքը, այլ ևս երկար չապրեցաւ և հանգեաւ խաղա-  
ղութեամբ «յերրորդ ամին Տիրանայ» (Խոր. 24), այսին-  
քըն 341 ին: Խորենացի 15 տարի կուտայ Վրթանէսի  
եպիսկոպոսութեան, և ամեն պատմիչներ 15 տարի  
տուած են Վրթանէսի կաթուղիկոսութեան: Ըստ մեզ  
կարի երկարաձիգ է Վրթանէսի պաշտօնավարութեան  
15 տարի տալ Արիստակէսի մահուանէ հաշուելով, ուս-  
տի աւելի յաբմար կը սեպեմք ճիշդ իմաստով առնուլ  
եպիսկոպոսութիւնը Լուսաւորչի վերջին տարիէն, որով

7 տարի Արխտակէսի տրուած ատեն, 8 տարի միայն կը մնայ Վրթանէսի 333 էն 341: Որդւոց և թոռանց ներբողաբանն ալ կրսէ թէ Վրթանէս կը մեռնէր «վաղաքոյն հրաժեշտ խնդրելով յախտալի կենացս» (Սոփ. 18), որ գոնէ հայրապետութեան երկար չլինելը կը ցուցնէ:

Այս հաշուոյն համար իբր հիմնակէտ կուգեմք պահել Վրթանէսի մահուան թուականը Տիրանի երրորդ տարին ըստ ժամանակագրութեան Խորենացւոյն: Այս ժամանակագրութիւնը թէպէտ կը մեղանչէ ընդհանուր առման մէջ, այլ կաթողիկոսներու և թագաւորներու մէջ համապատշաճ չափակցութիւն մը կը պահէ, այնպէս որ այս համեմատական կշիռը պէտք չէ եղծել և ուր ժամանակագրական պահանջներ հակառակը չեն ցուցներ, բաղդատական կէտերը կրնան գործածուիլ իբր ուղղութեանց հիմ. և ահա այս կարգէն է Վրթանէսի և Տիրանի թուականներու համեմատութիւնը:

Միւս կողմէն Վրթանէսի տարիքն ալ արդէն լեցուն էր հայրապետութեան հասած ատենը, այսինքն 72 տարեկան էր, և այս տարիքին վրայ 15 ևս դրուած ատենը ոչ միայն կշիռը կը կորսնցնեմք, այլ և դժուարաւ կրնամք 87 տարեկան ծերունւոյն պատշաճեցնել Վրթանէսի գործունեայ կեանքը, որ չունի իսկ իւր վերջերը այն հանգարտ անգործութեան միջոցը, զոր ունեցաւ Լուսաւորիչը, այլ մինչև իւր վերջին շունչը միշտ շարժման և գործունէութեան մէջ կը գտնուի, ոչ միայն եկեղեցական այլ և քաղաքական և նոյն իսկ պատերազմական ճգնաց մէջ: 80 տարեկան հասակը զոր կունենայ մեր հաշուով 341 ին վախճանած ատեն շատ է, քիչ չէ իւր պատմութեան համեմատութեամբ:

Վրթանէս թաղուեցաւ ի Թորդան, Դառանաղի գաւառին մէջ ըստ միաբան վկայութեան Խորենացւոյ (եր. 24), և Բուզանդայ (եր. 29), միայն թէ մինչ Խո-

ըենացին մարգարէական մեկնութիւն մը կուտայ այն տեղ թաղուելուն, ուր յետոյ Լուսաւորչի ոսկերք պիտի ամփոփուէին, Բուզանդ պատմական ոճով և յայտնապէս կըսէ թէ «անդ առ մեծի հայրապետին Գրիգորի զսորա սուրբ զոսկերսն հանգուցանէին»: Ս. Լուսաւորչի նշխարաց գիւտին վրայ խօսած ատեննիս յստակ կերպով բացատրեցինք և հաստատեցինք, թէ այդ գիւտը տեղի ունեցաւ Վրթանէսի կենդանութեան ատեն, և պէտք չէ երբէք յետաձգել զայն մինչև դար մը անդին: Իօք ալ Որդուոյ և թողանց պատմութիւնը Վրթանէսի կաթողիկոսութեան հետ կը խառնէ Ս. Լուսաւորչի նշխարաց գիւտի պարագայն՝ (Սոփ. 51):

#### 6. Ս. ԳՐԻԳՈՐԻՍ ԱՂՈՒԱՆԻՑ ԿԱԹՈՂԻԿՈՍ

Այստեղ պէտք է զնեմք Վրթանէսի որդւոյն Գրիգորիսի պատմութիւնը: Գրիգորիս երկուորեակներուն երիցագոյնն է. և այս պատճառով պտպին անունը ժառանգած է փոքրացուցիչ մասնիկով: Ծնունդը զրինք 295 ին Կեսարիոյ մէջ, և Հայաստան գալը 306 ին մօրը և հօրեղբօրը հետ 11 տարեկան հասակին մէջ:

Իսկզբան երկու եղբայրներ «սնան զառաջեալ թագաւորին Հայոց և ուսման գրոց փոյթ ի վերայ կալան ուսուցանել զնոսա» (Բուզ. 10): Այլ յետոյ կերևի թէ Գրիգորիս աւելի Արիստակէսի հետ կապուեցաւ և նորա կրօնաւորական կեանքին աշակերտեցաւ: Աղուանք իրենց դարձին ստեն ըստ Խորենացւոյն (եր. 6) Լուսաւորչի արիւնէն հովիւ մը ուզեցին և կրօնաւորութեան յարմարագոյն անձը նկատուեցաւ Գրիգորիս, թէպէտ տակաւին մանկահասակ: Բուզանդ 15 տարեկան եպիսկոպոս ձեռնադրուեցաւ կըսէ (եր. 10), սակայն մեր հաշուով Աղուանից դարձը 316-ին տեղի ունեցած

վինելով կամ թերևս աւելի ալ ուշ, Գրիգորիս առ նուազն 21 տարեկան եպիսկոպոսական ձեռնադրութիւն ստացած կը լինի:

Գրիգորիս թէպէտ մանկահասակ, ալ առաքինութեամբ մեծ, կրցաւ մեծամեծ օգուտներ գործել քրիստոնէութիւնը տարածելու Հայոց յարակից նահանգներու մէջ: Թէպէտ յատուկ Աղուանից կոթողիկոսի անունով կը լիշուի, ալ և Վիրք իւր սահմաններուն մէջ էին այն ատեն, և իւր քարոզութիւնները տարածեց նա մինչև Ատրպատականի կողմերը (Բուզ. 13), և հիւսիսային կողմէն սկսաւ աւետարանել Մազքութներու կովկասաբնակ ցեղերը: Գրիգորիսի աշխատութեան ժամանակը 20 տարիէ աւելի եղաւ, զի իւր նահատակութիւնը 337 է յառաջ բերելու բնաւ հարկ մը չկայ:

Երբ Գրիգորիս հիւսիսային գաւառները յղուեցաւ Տրդատ այն կողմերու բղեաշխ կարգեց Սանատրուկ Արշակունին (Խոր. 6), կամ Սանեսան Արշակունին (Բուզ. 14), որպէս զի ծաղկահասակ եպիսկոպոսին պաշտպան լինի, և երևի թէ Սանատրուկ մեծապէս ձեռնտու եղաւ Գրիգորիսի յաջողութեանց: Այլ երբ ծագեցան Խորովու վերջին տարիներու խռովութիւնները և Սանատրուկ ալ հիւսիսային ապստամբութեան գլուխ կանգնեցաւ, կովկասաբնակ ազգերն ալ իրեն միացուց, և քնքզինք թագաւոր հռչակեց, և Պարսից հետ տլ բարեկամացաւ, Սանատրուկի և Գրիգորիսի յարաբերութիւնները խանգարուեցան:

Գրիգորիս՝ Վրթանէսի զաւակ և Լուսաւորչի թոռ, չէր կրնար համաձայնիլ Սանատրուկի ապստամբութեան, և հետեւաբար իւր կողմանէ զանց չէր ընել Հայոց գահուն հաւատարմութեան դատը զօրացնել: Ինչպէս որ նմանօրինակ դիպուածներու մէջ կը հանդիպի, Գրիգորիս Սանատրուկի աչքին իրեն հակառակօրդ և թըշ-

նամուսն քարեկամ, և իբր մատնիչ երեցաւ: Խորե-  
նացին Գրիգորիսի նահատակութիւնը կը վերագրէ «դա-  
ւելոյ նորին Սանատրկոյ և ալլոց ոմանց հանապազա-  
սուտ արանց Աղուանից» (եր. 6): Այսչափն ալ կը բա-  
ւէ ցուցնել թէ ինչ եղաւ Գրիգորիսի մահուան շար-  
ժառիթը. Վրթանէսի դէմ եղած դաւաճանութիւնն ևս  
տեսանք վերը, որ հարկաւ հարաւակողման ապստամ-  
բութեան պետին Բակուրի սադրանօք եղա՜ն էր:

Բուզանգ մանրամասն պարագաներ ևս կը պատմէ:  
Գրիգորիս, կրտէ, եկաւ Մազքութների բանակը և ներ-  
կայացաւ Արշակունի Սանեսանին, որ քաղաքական ապս-  
տամբութեան կրօնականն ալ միացուցած էր և քրիս-  
տոնէութիւնը թողած: Գրիգորիս սկսաւ աւետարան-  
քարոզել Մազքութներուն, սոքա զննեցին Գրիգորիսի  
աւետարանը և տեսան որ կարգելու յափշտակել, աւա-  
րել և կոտորել, և հետևեցին թէ Հայոց թագաւորին  
գործն է «չստ յղել առ մեզ, զի այսու ուսմամբ խա-  
փանեցէ զմեր արշաւանս» (Բուզ. 14): Եւ աստի գըր-  
գուռելով Գրիգորիսը սպաննելու որոշումը կուտան:  
Եթէ նկատեմք թէ Մազքութներու թագաւոր Սանե-  
սան Արշակունին, Գրիգորիսի երբեմն պաշտպան Սա-  
նատրուկ Արշակունին է, որ ապստամբութենէ լետոյ:  
Գրիգորիսը իբր Հայոց թագաւորին բարեկամ և իրեն-  
թշնամի կը կարծէ, շուտով կը պարզուի այդ վիպա-  
կան ոճին ներքև պարունակուած պատմական ստու-  
գութիւնը:

Ինչ ալ ըլլալ սպանութեան քաղաքական շարժա-  
ռիթը, յայտնի է թէ բուն ներքին պատճառը Գրիգո-  
րիսի քրիստոնէութիւնն էր, զոր կուգէին հարուածել:  
Սանատրուկի ուրացութիւնը, Կովկասի ազդերուն հե-  
թանոսութիւնը և Պարսից ազդեցութիւնը: Մարտիրո-  
սութիւնը կարի խուժողութ կերպով գործադրուեցաւ:

վասն զի բարբաղոսական ճաշակով մը «կալան ձի ամե-  
հի, կապեցին կախեցին զմանուկն Գրիգորիս զազույ  
ձիոյն, և արձակեցին... ի դաշտն Վատնեայ» (Բուզ.  
15), որ կը գտնուի Կուր դետի բերանը, Կասպից ծո-  
վուն եզերքը: Գրիգորիս շուրջ 42 տարեկան եղած էր  
նահատակութեան ատեն:

Գրիգորիսի մարմինը իւր սարկաւագներուն ձեռ-  
քով ամփոփուեցաւ և բերուեցաւ Փոքր Սիւնիք, և  
թաղուեցաւ Ամարաս գիւղին մէջ, ուր յետոյ վանք ալ  
շինուեցաւ, որ փոքրիկ բայց շէն վանք մ'է մինչև  
ցայսօր: Ս. Գրիգորիսի նշխարք յայտնուեցան անգամ  
մը 489-ին Վաչագան Աղուանից թագաւորին ժամա-  
նակ, որոյ տօնն կը կատարեմք Խաչի հինգերորդ եր-  
կուշաբթին, իսկ բուն տօնը կը կատարուի իւր հօր և  
եղբօր և հօրեղբօր հետ, որբւոյց և թողանց լիշատա-  
կին: Գրիգորիսի գերեզմանը նորէն անյայտ մնալէ ետ-  
քը, վերստին յայտնուեցաւ վերջին ժամանակներու մէջ  
1858-ին, և մինչև այսօր կը պատուուի Ամարասի վան-  
քին մէջ:



## Տ. Ս. ՅՈՒՍԻԿ ՊԱՐԹԵՒ

### 7. ԿԱԹՈՂԻԿՈՍՈՒԹԵՆԷ ԱՌԱՋ

Վրթանէսի մահուանէ իբր 5 տարի առաջ նահա-  
տակուած էր Գրիգորիս, այնպէս որ Լուսաւորչի սերուն-  
դէն միայն Յուսիկ կար որ կարող էր հայրապետութեան  
կոչուիլ: Յուսիկ Վրթանէսի երկուորեակներուն երկրորդն  
էր, ծնած էր Կեսարիա 295 ին, նոյն իսկ անունը՝ Թէ-  
պետ հայկական ձևի վերածուած, բայց միշտ կը լեշեց-  
նէ մեզ Ս. Հիւսիքոս վկային անունը, որ յատուկ եկե-  
ղեցի և պաշտօն ունէր Կեսարիոյ մէջ: Հօրը հետ եկած  
էր Հայաստան 306 ին, ինչպէս ըսինք, և արքունիքի  
մէջ եղբօրը հետ առաջին ուսմունք և կրթութիւն առ-  
նելէ յետոյ, երբ Գրիգորիս կրօնաւորութեան մտաւ,  
Յուսիկ պաշտական եղաւ և արքայորդի Տիրանին տան  
մէջ ապրիլ սկսաւ: (Բուզ. 10):

Տիրան արքայորդի կը կոչուի այդ պատմութեան  
մէջ և Խոսրով Թագաւորի որդի. Թէպէտ այն թուա-  
կանին տակաւին կենդանի էր Տրդատ և կը թագաւո-  
րէր, որով Խոսրով տակաւին արքայորդի էր, իսկ Տիրան  
լոկ արքայաթոռ կրնար ըլալ: Հաւանական է ըսել ար-  
քայաթոռն ալ կրնար արքայորդի կոչուիլ իբրև արքայա-  
զուն իշխան. սակայն շատ յարմար է ընդունել միւս  
կարծիքն ալ որ կըսէ թէ Տրդատի ծերութեան և տկա-  
րութեան պատճառով, Խոսրով իւր հօր կենդանութեան  
ատեն կիշխէր իբրև գահակից Թագաւոր: Ուրիշներ պար-  
զապէս անուններու շփոթութիւն մը ուզեցին ենթա-  
դրել, իբրու թէ Խոսրով գրեւոր կամ ընդօրինակելու



տեղ Տիրան գրուած ըլլալ. դիտելով մանաւանդ որ այն թուականին տակաւին Տիրան տունտեղ ունենալու տարեքին չէր կրնար հասած լինել: Այդ մեկնութիւններէն որն և նախադասուի պատմութեան իսկութիւնը չը փոխուիր, այլ մեք կը նախընտրեմք Խոսրովը գահակից թագաւոր ընդունել:

Յուսիկ տակաւին նորահաս պատանի Տիրանի փեսայ կը լինի և կամուսնանայ անոր աղջկան հետ, որոյ անունը չէ յիշուած: Ոմանք կարծեցին թէ Յուսիկի կինը Տիրանի քոյրն է, և ասով ուզեցին լուծել այն դժուարութիւնը զոր Յուսիկի հարսերուն վրայ խօսած ատեննիս պիտի տեսնենք. այլ Բուզանդ շատ յայտնի կըսէ թէ Տիրանի դստեր հետ ամուսնացաւ, և մեք ստիպողական հարկ մը չեմք տեսներ պատմիչին խօսքերը փոփոխելու: Իսկ Յուսիկի ամուսնութեան պարագաներուն վրայ խօսելով Բուզանդ կըսէ նախ թէ «յամուսնանալն բռնադատեցաւ ի թագաւորէն իբրև զմանուկ».  
 լետոյ կը յարէ թէ «յառաջնում գիշերին յղացաւ կինն».  
 թէ Յուսիկ «ետես ի տեսլեան զի երկու էին մանկունքն և ոչ հոգի ի պաշտօն Տեառն», և թէ Յուսիկ «այլ ոչ ևս մերձեցաւ ի նա», և թէ «յերկոտասանամենից ի վեր առաքինանայր» (Բուզ. 10—12): Այդ յիշատակութեանց լենլով պէտք է ըսել թէ Յուսիկ գրեթէ 10 տարեկան ամուսնացաւ, և որչափ ալ այն ժամանակներ տարիքի շատ մտադրութիւն չէին դարձներ, սակայն 10—11 տարեկան պատանիի զաւակ ունենալը չկրնար հաւատալի ըլլալ, և հետևաբար գոնէ 15 տարեկան պէտք է ենթադրել Յուսիկը իւր երկուորեակները ունեցած ատեն, որ է ըսել 310 ին: Յուսիկի տղայքը կոչուեցան Պապ և Աթանաղիէ. Պապ անունը այժմ հայկական գաւառներու մէջ կը գործածուի իբր կրկնումն պապենական անունին, այլ չեմք պնդեր թէ չորրորդ դարու մէջ ալ

ալսպէս եղած լինի. իսկ Աթանազիքէ տնունը ծանօթ է Լուսաւորչի հետ ազգականութեամբը և նշխարաց փոխադրութեամբը և Ս. Կարապետի վանքին մէջ գետն-դուելովը:

Յուսիկի ամուսնական կեանքը կարճ եղաւ. որովհետեւ գրուած է թէ շուտով ձանձրացաւ թագաւորութեան տան փեսայութենէն, և թէ փոխադարձաբար «Թըշնամացեալ էր տունն թագաւորին ընդ նմա» (Բուզ. 12). մինչև որ «մեռաւ կին նորա», և ազատեալ լինէր Յուսիկ ի յաներոյն» (Բուզ. 12): Ըստ պատմչին Յուսիկի ցաւը իւր զաւակներուն ապագայ անառակութիւնն էր և եկեղեցական կոչումին զժկամակութիւնը, ալ եթէ միայն այդ լինէր արքունիքին հետ հակադասելու և թագաւորին հետ թշնամանալու պատճառ չկայր. ուստի պէտք է ընդունել թէ ընտանեկան աւելի կարեւոր պատճառներ խանդարեցին փեսային և փներին լաւ յարաբերութիւնները:

Բուզանդ կը պատմէ դարձեալ թէ Յուսիկ ուրիշ տեսիլքով մը վստահութիւն ստացաւ Աստուծմէ թէ իւր որդւոց սերունդներ պիտի մոնեն աստուածային ծառայութեան, և պիտի լինին «սիւնք եկեղեցւոյ և մատաղ կարօրք քանին կենաց, և հիմունք հաւատոյ և պաշտօնեալք Քրիստոսի, և արքանեակք Հոգւոյն սրբոյ». որք գովարութեանց ալ հանգիպելով «կայցեն ի հաւատաւն շարժ իբրև զվէմ»: Այդ խօսքեր յայտնապէս ներսէսք և Սահակի կալնարկեն, որոց վրայ հոգւոր տեսութեամբ մխիթարուեցաւ Յուսիկ, և զգամեկայն աւուրս կենաց իւրոյ գոհանալը և եթ յամենայն ժամ անգառ դար» (Բուզ. 12 - 13):

Անճանօթ կը մնայ մեզ բոլորովին թէ ինչ եղաւ Յուսիկի կեանքը արքունիքի հետ թշնամանալէն մինչև կաթողիկոսանալը: Եկեղեցականութեան մտած լինելուն

նշան չկայ, արքունիքի ծառայելը ենթադրելի չէ, ուրեմն կը մնայ հետևեցնել թէ առանց պալատականի յարաբերութիւնները խզելու քաջուած կեանք մը անցուց բոլորովին հոգևոր գործերու զբաղեալ և բարոյական բարեկարգութեան սաստիկ նախանշախնդիր:

#### 8. ԿԱԹՈՂԻԿՈՍՈՒԹԻՒՆԸ

Երբ Վրթանէս մեռաւ և Լուսաւորչի սերունդէն հոգևոր գլուխ ունենալու քաղաքարը նորէն արծարծեցաւ, Տիրան դժուարութիւն չտեսաւ իւր փեսային կաթողիկոսանալուն մէջ, ինչչափ ալ ներքին յարաբերութիւնին կանուխէն պաղած լինէր: Յուսիկ, որ արդէն 47 տարեկան էր, հրաւիրուեցաւ հայրապետական աթոռը, և Բուզանդի խօսքով «ըստ սովորութեան օրինակի» (եր. 29), շքեղ փառքով և արքունական զարդերով, մեծ հազարապետին և 12 նախարարներու քնկերակցութեամբ փարուեցաւ Կեսարիա ձեռնադրուելու համար: Չեռնադրութենէ դառնալուն Տիրան թագաւոր Տափեքական կամուրջին վրայ դիմաւորեց նորապսակ կաթողիկոսը և կաթողիկէն առաջնորդեց և հայրապետական աթոռին վրայ նստեցուց: Յուսիկ կաթողիկոս էր, արքայազարմ տերունդէ էր, և թագաւորին փեսան էր, ուրեմն արքունական պատիւներ արդարացի էին իրեն:

Յուսիկին Կեսարիա ելթալուն վրայ Խորենացին բան չըսեր, բայց մեք չեմք ուզեր հակառակել Բուզանդի պատմածին, որովհետև կը մտածեմք թէ Յուսիկ եպիսկոպոսական ձեռնադրութիւն չունէր, գուցէ քահանայութիւն ալ չունէր, և այսպիսի բացառիկ պարագայի հանդէպ ուզած են բացառիկ նշանակութիւն մը տալ ձեռնադրութեան, ինչպէս եղած էր յառաջագոյն իւր պապին՝ Աուգուստին համար, և ինչպէս եղաւ յետոյ իւր թոռին

Ներսէսի համար: Կեսարիոյ արքեպիսկոպոսին անուշը լիշուած չէ, այլ թուականը պէտք է դնել 342 ին:

Յուսիկի կաթողիկոս եղած ատենուան արտաքին նկարագիրը այսպէս կը դրուի. «Աւուրբք մանուկ, տիօք առոյգ, և բարձր հասակաւ, գեղով երեսաց սքանչելի և չքնող, զի այլ ոչ գտանէր նման նմա ի վերայ երկրի» (Բուզ. 30): Առհասարակ Լուսաւորչի ազգատոհմը, ինչպէս անուամբ նոյնպէս և կերպարանքով ալ պարթեւ և վախճուչ անձեր եղած են, զի միևնոյն նկարագիրը Ներսէսի վրայ ալ կրկնուած կը գտնեմք (Բուզ. 69): Իսկ Յուսիկի մանուկ կոչուիլը, զոր կը օիրէ յեղյեղել Բուզանդ, պէտք չէ անտիական և անչափահաս երիտասարդ իմանալ: զի Բուզանդարանի մէջ մանուկ կոչուածը շատերու կը տրուի, թէպէտև տարիքնին ընդհանրապէս 40 է վեր է: Միևս կողմանէ ժամանակագրութեանց և ծնունդներու խիստ և ճիշտ հաշիւը 47 տարի կուտայ Յուսիկի, իսկ այս տարիքին մէջ մանուկ կը նկատուի անոր համար, որ իրմէ առաջ կաթողիկոսներ ալեւոր ծերեր էին: Միևս կողմանէ թագաւորի փեսայ լինելն ալ, թագաւորին տէքին իբրև զաւակ և իբրև տղայ սեպուելուն կը նպաստէր:

Յուսիկի կաթողիկոսութեան ժամանակէն որոշ դիպուածներ և պատահարներ հասած չեն մեզի: Ընդհանուր կերպով իւր նկարագիրը կը կազմեն արթուն և գործունեայ, խրատող և յանդիմանող, նախանձայոյզ և անաչառ պաշտօնէի մը ձիրքերը: Լուսաւորչի սերունդը իր սրտին մէջ բարձր դիրք մը կը զգայր նոյն իսկ արքունիքի հանդէպ, և քաղաքական գործերու քննութիւնն ու գատատանն ալ իրեն օտար չէր նկատեր: Գրիգոր և Արիստակէս այդպէս ըրած էին, Վրթանէս ալ նոյնպէս, մանաւանդ քաղաքական գործերու մէջ ունեցած յատուկ յաջողակութեամբը: Յուսիկ

ալ նոյն ոճին հետեցաւ. բայց ինչ որ Վրթանէսի-  
տարիքը ու գիրքը գիւրատար կրնէին, Յուսիկի տարի-  
քին և գիրքին ներելի չերևցան: Յուսիկ իւր հոգևո-  
րական պաշտօնին պահանջը արտաքին ակնածութիւն-  
ներէ գերազանց դասեց և նախանձայոյզ խստութիւն-  
ները շարունակեց: Մտքի բարձրութիւնն ալ ունէր,  
գի «դպրութեան գրոց սրբոց արուեստաւն լի էր» (Բուզ-  
31): Արդեօք արքունիքի հետ յառաջուց ունեցած դառ-  
նացեալ զգացումները գեր մը ունեցան իւր ընթացքին  
մէջ. — ենթադրել արժան չեմք սեպեր:

Տիրան և իւր նախարարները քրիստոնէական կա-  
տարելութեանց բնաւ հետամուտ չէին. մանաւանդ թէ  
հին հեթանոսական սկզբունքներուն կը հետևէին մէկ  
կողմէն անառակութեան, միւս կողմէն բռնութեան  
գործեր սովորական էին իրենց, մինչ Յուսիկ կաշխա-  
տէր այսպիսի անտեղութիւնները իսկոյն արմատախիլ  
ընել (Բուզ. 34—35). և երբ խրատի և յանդիմանու-  
թեան անպտուղ մնալը կը տեսնէր, վերջին միջոցնե-  
րու կը դիմէր. «Արգելոյր զթագաւորն և զմեծամեծսն  
չաալ թոյլ մտանել յեկեղեցին: Արդ ելեալ կապէր մե-  
ծապէս պատուհասիւք քահանայական իշխանական բա-  
նիւ յանդիմանութեան» (Բուզ. 31): Այդ խօսքեր բա-  
ւական յստակ կերպով կը ցուցնեն թէ Յուսիկ բանա-  
դրած և նզոված է թագաւորն ու նախարարները և  
եկեղեցի մտնելու իրաւունքէ զրկած: Թերևս յառուկ  
պարագայ մ'ալ առիթ տուաւ այդ եկեղեցական պատի-  
ժը վճռելու, որ մեզի անծանօթ մնացած է: Դժբաղ-  
դաբար թէ Տիրան իւր փեսային՝ և թէ նախարարները  
հոգևորականի մը վճռոյն մեծ կարևորութիւն տուած չեն:

## 9. ՆԱՀԱՏԱԿՈՒԹՅՈՒՆԸ

Անգամ մը Տիրան և Յուսիկ միասին կը գտնուին Ծոփաց նահանգին Բնաբեղ կոչուած արքունի բերդին մէջ: Հանդիսի օր մը, «օր մի յաւուրց տարեկան», արքունիքն ալ կուզէ եկեղեցւոյ հանդիսութեան ներկայ լինել: «Իմեաց գալ թագաւորն Տիրան հանդերձ այլովք աւագանւոյն մտանել լեկեղեցին»: Յուսիկ կը լսէ և անձամբ եկեղեցւոյն դուռը ելնելով կընդդիմանայ ու կըսէ. «Չես արժանի. հիմ գաս, մի գար ի ներքս»: Արգելքը թագաւորին հետ նախարարներուն ալ ուղղուած է հարկաւ, վասն զի բանադրանքն ալ ամենուն համար էր:

Տիրան կը զայրանայ երես առերես նախատանքին համար, բայց աւելի կը կատղին նախարարներ, և բռնութիւնը բռնութեամբ վանելու վարժութեամբ, իրենք և իրենց մարդիկներ կը յարձակին հայրապետին և պաշտօնէից վրայ: Եկեղեցւոյ գրան առջև և դուռնէն ներս ահագին ժխոր մը կսկսի, և ամեն հարուածներ հայրապետին դէմ կուղղուին, մինչև որ «բրածնծ եղեալ, ջաղջախեալ, կիսամահ կոշկոճեալ ընկեցեալ լինէր» սուրբ կաթողիկոսն Յուսիկ (Բուգ. 32), որ սակայն նոյն տեղ չէր մեռներ:

Հայրապետանոցին և եկեղեցւոյն պաշտօնեաները հազիւ կրնան տէր լինել հարուածեալ հայրապետին անձին, և առաջին խնամքները նոյնտեղ տալէն յետոյ, անշուշտ թագաւորին և նախարարաց ատելութենէ ալ հեռացնելու համար Ծոփաց գաւառի Բնաբեղ դղեակէն կը փոխադրեն Դարանաղի գաւառի Թորդան գիւղը՝ Լուսաւորչի ցեղին սեփական կալուածը: Բայց խնամքները արդիւնք չեն ունենար որովհետև վտանգաւոր էր Սրբոյն վիճակը: Յուսիկ հայրապետ «անդ՝

ռչինչ յետ բազում աւուրց հանգեալ, և Թորդանի հայրենական դամբարանին մէջ թաղուեցաւ Գրիգորի և Վրթանէսի մօտ:

Յուսիկի հայրապետութեան տևողութիւնը Խորենացի 6 տարի կը դնէ (եր. 30), և պատճառ մը չունիմք այդ թիւը փոփոխելու, մանաւանդ որ պէտք է որ պատմութեան պահանջին համեմատ Յուսիկի հայրապետութեան սկիզբն ալ վերջն ալ Տիրանի թագաւորութեան ժամանակին մէջ ամփոփուի: Հետեւեալը Յուսիկի մահուան թուականը պէտք է դնել 347-ին, և այս թուականը կը պատասխանէ բովանդակ պատմական պահանջներուն: Յուսիկ նահատակուած է ուրեմն 53 տարեկան եղած տօնն:

Խորենացին Յուսիկի նահատակութեան պատճառ կը ցուցնէ Յուլիանոսի պատկերին խորտակման պարագայն, որ ընդհանուր ընդունելութիւն ալ գտած էր երբեմն, և Լամբրոնացին շարականի մէջ ալ անցուցած է, ինչպէս որ մինչև ցայժմ կերպեմք. «Քաջութեամբ զանօրինաց խորտակեալ զպատկերսն տէր սուրբ Յուսիկ»։ Թէև անօրինաց և զպատկերսն յոգնակի ձևերը մէկ Յուլիանոսին մէկ պատկերէն աւելի ալլաբանական իմաստով կրնան մեկնուիլ, գուցէ շարականին հեղինակ Լամբրոնացին աւանդութիւնը և ալլաբանութիւնը իրարու միացնել ուզած է: Ինչ և իցէ Յուլիանոսի պատկերին պարագայն ալլ ևս իբրև պատմական չկրնար ընդունուիլ, և միաձայնութեամբ մէկկողմ թողուած է քննադատ պատմագիրներէն: Ոչ միայն ժամանակագրական ուղղութիւնը կը պահանջէ որ 342-էն 347 կաթողիկոսութիւն վարող Յուսիկը երբէք ժամանակակից չդրուի 361 է 363 կայսրութիւն վարող Յուլիանոսի, ալլ և Բուզանդի պատմութիւնը զայն բացալալտ կը հաստատէ բնաւ Յուլիանոսի անուն կամ պատկերի:

լիշատակութիւն չխառնելով Յուսիկի նահատակութեան մէջ. և յետոյ Յուլիանոսի ժամանակակից դնելով Արշակը: Այս դիտողութիւնն ալ միայն նորերու գիւտը չէ. զի նոյնինքն Սամուէլ Անեցի (եր. 66) Յուսիկի սպանութիւնը կը դնէ ՅԿԴ=364-ին, իսկ Յուլիանոսի թագաւորելը ՅԿԸ=368-ին: Իրաւ Սամուէլի այդ թուականներ ևս ուղղելի են, այլ մեզ կը բաւէ նկատել որ Յուսիկի վկայութիւնը կապ չունի Յուլիանոսի պատկերին հետ:

Յուսիկի մահուան ձևին մէջ ալ կը տարբերի Խորենացին երբ կըսէ թէ Տիրան «հրամայեաց ջալստիւք հարկանել յերկար մինչև ի գանելն աւանդեաց զոգին» (եր. 30): Այս խօսքերով կենթադրուի թէ Տիրան՝ կաթողիկոսը դատի ենթարկած լինի, դատապարտած, պատիժը որոշած, դահիճներու յանձնած, և պատժոյն գործադրութեան մէջ սպաննած: Չեմք կարծեր որ քրիստոնեայ թագաւոր մը կարողանայ այսպիսի ընթացք մը ունենալ կաթողիկոսին անձին վրայ, և ոչ ալ աներ մը իւր փեսային վրայ, այլ շատ լաւ կը մեկնուի սպանութիւնը եթէ նկատուի այն իբրև թագաւորին կամքէն անկախ պատահար մը, զինուորական ժխորի մէջ տեղի ունեցած, թէպէտև Տիրան սիրտէն ուզած ալ լինի որ կերպով մը ազատի փեսայ կաթողիկոսին նախանձայոյզ ընթացքէն: Մինչև իսկ պէտք է ընդունել թէ Տիրան հարկաւ Թորդան ալ գացած կը լինի, Յուսիկի գերեզմանը կեղծաւորաբար պատուելու:

#### 10. Ս. ԴԱՆԻԷԼ ԱՍՈՐԻ

Ամէն բան վերջանալէն ետքը կարգը կուգայ հայրապետութեան յաջորդութիւնը հոգալու, և որովհետև ազգին փափաքն էր Լուսաւորչի ցեղին հետ կապուած մնալ, Տիրան ալ կը հաւանի Յուսիկի զաւակներէն և իւր



թողներէն մէկը աթող բարձրացնել: Պապ և Աթանազինէ իբր 37 տարեկան անձեր են և արգէն ամուսնացած, Պապայ կինն է Վարազդուխտ և անորդի է. Աթանազինէի կինն է Բամբիշ և զաւակ մ'ալ ունեցած է Ներսէս անուանով, որ մօտ 20 տարեկան է և Բիւզանդիոն կը գտնուի: Բիւզանդ ոչ միայն Վարազդուխտը և Բամբիշը իրարու քոյրեր կ'ենթադրէ, այլ և թագաւորին ալ քոյրեր լինելնին կը պատմէ. «Առին իւրեանց կանայս զքորս թագաւորին» (Բուզ. 44), և ուրիշ տեղ ալ Ներսէսի մայր Բամբիշը թագաւորի քոյր (Բուզ. 49) և Տիրանի քոյր (Բուզ. 69) կը կոչէ: Այսպիսի ազգակցութիւն մը բոլորովին անհնար կերևի, ոչ թէ ճիւղահամարի գծաւարտութեանց համար, որուն ժամանակին արքունիքը բնաւ մտադրութիւն դարձուցած չէ, այլ նոյն իսկ բնական անկապակցութեան և տարիքներու անյարմարութեան համար, որ Պապ և Աթանազինէ որ Տիրանի թողներն են իրենց մեծ մօր տեղը եղող կիներուն, այսինքն իրենց մեծ հօր քոյրերուն հետ կարենան ամուսնանալ: Անճշտութիւն մը կայ յայտնապէս, այլ ուղղելու համար բնաւ նշան մը չեմք գտներ, և միայն ենթադրութեամբ կրնամք ըսել թէ Վարազդուխտ և Բամբիշ Տիրանի եղբօր կամ քրոջ զաւակներ եղած ըլլան, առանց հարազատ քոյրեր ալ լինելու:

Երբ Յուսիկի զաւակները անհնար եղաւ եկեղեցականութեան համոզել, միտքեր դարձան Լուսաւորչի հոգեւոր զաւկի մը վրայ, որ է Դանիէլ Ասորի, Լուսաւորչի շատ մօտիկ անձ մը, և ժամանակին անոր հիւպերեդը կամ փոքրաւորը եղած (Խոր. 30), և անոր ձեռնադրութեամբ մինչև քորեպիսկոպոսութիւն բարձրացած (Բուզ. 37), և որուն պաշտօնն էր Լուսաւորչեան տոհմին կալուածներուն տեսչութիւնը, և անոնց մէջ գլխունուած եկեղեցիներու վերակացութիւնը առանց վիճա-

կաւոր հովուութեան, և առանց հաստատուն թեմ մը ունենալու, որ Հացեաց Դրախտի վանքին մէջ ճգնաւորութեամբ կապրէր և մերթ ընդ մերթ անկէ ելնելով Ցարոն և Եկեղեաց գաւառները կը շրջէր, նկատելով որ Դանիէլ միշտ «ծերունի երէց» (Խոր. 30), կամ «ծերունի քորեպիսկոպոս» (Բուզ. 36) կը կոչուի, և Լուսաւորչի ժամանակէն գործի գլուխ գտնուած է, հարկ կը լինի որ 347 ին, գրեթէ 80 տարեկան անձ մը եղած լինի:

Երբ Դանիէլը կաթողիկոս ընելու խորհուրդը ընդունուեցաւ, պատուով և նախարարներու ընկերակցութեամբ Եկեղեաց գաւառի Թիլ գիւղէն ուր այն ատեն կը գտնուէր, բերուեցաւ Աղձնեաց նահանգի Բառաէջ գոթակը ուր գացած էր Տիրան: Բայց Դանիէլ այսպիսի ցոյցերով չչլացաւ, և փոխանակ իրեն ցուցուած պատիւներուն շնորհակալ ըլլալու, իսկոյն յանդիմանութեան սկսաւ: Մի առ մի սկսաւ յայտնել արքունիքի և նախարարներուն ապօրինի գործերը, և անոնց երեսը զարկաւ գործուած անիրաւ սպանութիւնները, և աւելի ևս ծանրացաւ Ս. Յուսիկ հայրապետի մահուան վրայ, և նոյն իսկ Յուսիկէ աւելի սկսաւ ծանրացնել թագաւորին և նախարարներուն վրայ դրուած եկեղեցական վճիռը: Ապա համարձակաբերան կերպով աստուածային վրէժխնդրութիւնը հրաւիրեց ազգին վրայ դառնութեամբ և անէծքներով լեցուն. «Այս ամենայն լինելոց է ձեզ, զի այսպէս եցայ ինձ Տէր»: Իսկ իրեն առաջարկուած կաթողիկոսութեան վրայ խօսելով, մերժեց զայն անարգանօք. «Զիարգ կայցեմ գլուխ ազգի՝ զորս եթող Տէրն ի ձեռանէ» (Բուզ. 42): Բուզանդ ընդարձակ կերպով յառաջ կը բերէ Դանիէլի անիծակուր յանդիմանութիւնները (Բուզ. 39—42), կարծես խնդալով Հայ ազգին չարեաց վրայ:

Տիրանի բարկութիւնը չափ չունեցաւ, «և ի դառ-

նութեան ցաւման իւրոյ հրաման տայր խեղդամահ առնել զնա» (Քուզ. 42): Աւագանիներէն շատեր ջանացին հրամանը ետ ընել տալ, այլ դահիճներ գործադրութիւնը փութացուցին, «և ճոպան ի փողս եղեալ խեղդամահ արարին» ծերունի Դանիէլը: Այս տեղ այլ ևս Յուսիկի մահուան պէս ժխորի մէջ կատարուած սպանութիւն մը չեմք գտներ, այլ ուղղակի թագաւորի հրամանով կատարուած բռնական և պատժական սպանութիւն մը: Սակայն տարբերութիւններն ալ ակնյայտնի են, Դանիէլ Յուսիկի պէս կաթողիկոս մը և եկեղեցական իշխանութեան պէտ մը չէր կրնար նկատուիլ ու պատկառանք ազդել, այլ կը նկատուէր իբրև զրպարտիչ մը որ Յուսիկի մահուան պատասխանատուութիւնը Տիրանի վրայ կը դնէր, և իբրև սոորի մը որ հայ ազգը կը նախատէր և կանխէր. և այս կերպով միայն կըրնայ մեկնուիլ Տիրանի բարկացայտ և յանկարծական ընթացքին և հրամանին բուն պատճառը:

Դանիէլի մարմինը իւր Շաղիտա և Եպիփան աշակերտներուն ձեռքով, և արքունական գունդին մէջ գրտնուող պաշտօնեաներու գործակցութեամբ (Բուզ. 43), և ընկերակցութեամբ ժողովրդական բազմութեան, փոխադրուեցաւ Բառաէջ գղեակէն Հացեաց Դրախտ կոչուած մենարանը, որ Յուլ լերան ստորոտը կը գտնուէր և Դանիէլի սեփական ճգնարանն էր: Գերեզմանը կը գրտնուի այժմ Պուլանըի գաւառը, որ է նախկին Հարք գաւառը, Կոփ գիւղի մօտ, պզտիկ ձորակի մէջ առանձինն մատուռով, որուն քով շինուած է Կոփայ Ս. Դանիէլի վանքը, իւր անուան նուիրուած:

Ոմանք Դանիէլի անունը կաթողիկոսներուն շարքը կանցնեն, այլ քանի որ ո՛չ ընտրութիւն լրացաւ, ո՛չ աթոռ ելաւ և ո՛չ պաշտօնի ձեռնարկեց, Դանիէլի անունը հայրապետական գաւազանին մէջ չկրնար դրուիլ: Իսկ

իրբւ Լուսաւորչի հոգւոր զաւակ իւր տօնը կը կատարուի Լուսաւորչի երկու զաւակներուն և երկու թողնեւուն տօնին հետ միասին:

Դանիէլի մահուամբ նորէն կաթողիկոսութեան խնդիրը ձեռք առնուեցաւ, և վերստին բռնադատութիւն եղաւ Յուսիկի երկու զաւակներուն եկեղեցականութեան մտնելու համար, մինչև իսկ եպիսկոպոսներու ձեռքով բռնի սարկաւագ ձեռնադրուեցան (Բուզ. 44): Բայց նոքա սարկաւագ ըլլալէ յետոյ ալ իրենց զինուորական կեանքը և աշխարհական կենցաղը չթողուցին: Թերևս Աթանազիւսի որդին քսանամեայ երիտասարդ ներսէսն իսկ կաթողիկոսութեան կոչուէր, Լուսաւորչի տոհմին սիրոյն համար, բայց ներսէս ալ բացակայ էր և Կոստանդնուպոլիս կը գտնուէր (Խոր. 34): Այդ վարանող գործերու պատճառով հայրապետական աթոռը տարիի մը չափ անառաջնորդ մնաց (Բուզ. 32), մինչև յաջորդ 348 թուականը:

## Տ. ՓԱՌԻՆ ԱՇՏԻՇԱՏԵՑԻ

### 11. ԿԱԹՈՂԻԿՈՍՈՒԹԻՒՆԸ ԵՒ ՄԱՀԸ

Երբ Լուսաւորչի սերունդէն կաթողիկոս ունենալու հնարաւորութիւնը դադրեցաւ, գոնէ Լուսաւորչէն բոլորովին չհեռանալու համար համաձայնութեամբ որոշեցին. «զի ի նմին տանէ իշխանութեան Գրիգորի գտցեն, որ կալցի նա զաթոռ հարցն». և այս սկզբունքով «համարեցան արժանի զՓառէն ոմն երէց» (Բուզ. 44): Այդ խօսքեր մեզ իրաւունք կուտան հետեւեւել թէ Փառէն Լուսաւորչայ անմիջական աշակերտներէն և իրեն մօտիկ անձերէն էր նման Դանիէլի, որ իրմէ առաջ կաթողիկոսութեան արժանի դատուած էր: Հե.

տւարար Փառէն յոյժ ծեր տնձ մ'էր, որ կը հաստատուի նաև քիչ տարի ետքը խաղաղութեամբ վախճանելէն: Ինքն բնիկ հայազգի էր և Տարոնեցի, Աշտիշատ գիւղէն, այսինքն «յԱշտիշատից Տարոնոյ» (Խոր. 34), որ սեփական կալուած էր Լուսաւորչեան տոհմին, և Փառէն այս կողմէ ալ կրնար ըսուիլ թէ էր «ի տանէ իշխանութեան Գրիգորի», իսկ իւր պաշտօնը Գլակայ Ս. Կարապետի վանահայրութիւնն էր, ըստ Բուզանդայ. «ի մեծէ մարգարէանոցէն Յովհաննու . . . զի տեղին այն նմա էր հաւատացեալ» (Բուզ. 44): Իրաւ ըստ Յովհաննու Մամիկոնեանի դարուս վանահայրները 302-է սկսելով դրուած են Զենոբ 20 տարի և Եպիփան 30 տարի (Մամ. 7), որով կը հասնիմք մինչև 352, սակայն Եպիփան Դանիէլի տշակերտ էր և Ծովաց երկրին մէջ ճգնող (Բուզ. 43 և 226) և տպա եղբայրանոցաց տեսուչներէն մին (Խոր. 44), և ոչ երբէք Ս. Կարապետի վանքին առաջնորդ, որով Մամիկոնեանի ցուցակը ընդունելի չկրնար լինել:

Փառէնի անունը Խորենացին կը գրէ Փառներսէհ (եր. 34), իբր սղումն Փառէն և Ներսէհ զոյգ անուններու. և Խորենացւոյն հետևողութեամբ վերջին ժամանակաց ցուցակներն ալ Փառներսէհ կը գրեն հայրապետիս անունը, սակայն մեք կը սիրեմք անունները իրենց պարզութեան մէջ պահել և Փառէն կոչել, ինչպէս կը կոչէ ևս Բուզանդ քանի անգամ որ առիթը հանդիպի, թէ հայրապետին պատմութեան և թէ նորա որդւոյն Յովհան եպիսկոպոսին պատմութեան մէջ (Բուզ. 274):

Բուզանդ Փառէնի համար ալ ձեռնադրութեան պատճառով Կեսարիա երթալը կը պատմէ, 14 նոխարարներու ընկերակցութեամբ (Բուզ. 44), սակայն Խորենացի և ուրիշներ բնաւ այսպիսի իշատակութիւն չեն ըներ: Բայց ուրիշ տեղ Խորենացին Շահակի վրայ

խօսած ատեն, «Առանց մեծի արքեպիսկոպոսին Կեսարոս» (Խոր. 94), կաթողիկոս լինելը գիտել տալէն կըրնանք ընդունիլ թէ Կեսարիա երթալու սովորութիւնը կը պահուէր երբ ընտրեալը եպիսկոպոսական ձեռնադրութիւն չունէր: Հռովմայ աթոռոյն ընտրեալներն ալ հաստատուն կերպով Ոստիոյ եպիսկոպոսէն ձեռնադրութիւն կառնէին, ինչպէս Կոստանդնուպոլսոյ աթոռոյն ընտրեալներն ալ Հերակլիոյ աթոռէն: Բայց ձեռնադրող աթոռներուն ենթարկեալ չէին, Հայոց աթոռոյն ընտրեալներն ալ Կեսարիոյ աթոռէն ձեռնադրութիւն առնլու սովորութիւնը կրնային յարգել, առանց անոր ենթարկեալ լինելու:

Փառէն կաթողիկոսի գործունէութեան վրայ բառ մը անգամ չունի Խորենացին, իսկ Բուզանդ կը բաւականանայ ըսել թէ «զիւր անձն սուրբ պահէր»։ այլ վարչական կողմը շատ տկար կը ցուցնէ. «Չհամարձակէր նա կամ խրատել ինչ, կամ լսնդիմանել զմոլորութիւն ինչ զուրուք կամ զամբարշտութիւնս, և ի հարկէ ընգերէր անօրէն թագաւորին և ըստ նորին կամացն երթեալ հնազանդէր» (Բուզ. 45): Որչափ ալ այդ ընթացքին մի մասը խոհական լռութեան վերագրեմք, սակայն միշտ կը մնայ տարիքով ծեր, նախընթացով վանական, և բնութեամբ տկար անձի մը վարչութիւնը, որ առանց զօրաւոր լինելու, կրնար սովորական կանոնաւորութիւնը պահել:

Փառէնի կաթողիկոսութիւնը յոյժ համառօտ եղաւ. Խորենացին միայն 4 տարի կուտայ (Խոր. 34), և գրեթէ ամենքը նոյնը կը կրկնեն: Յովհաննէս Պատմաբան 3 տարի կուտայ (Յովհ. 60), բայց հաւանաբար Դ և Գ թուանշան տառերու շփոթութեան արդիւնք է: Սամուէլ Անեցի 5 տարի կուտայ (Սամ. 66), բայց սա ալ կերեւի թէ Փառէնի մահուանէ ետքը առանց

կաթողիկոսի մնացած տարին Փառէնի վրայ կը հաշուէ, զի սովորական է ընտրութենէ ընտրութիւն հաշուել կաթողիկոսներու տարիները: Ուրեմն հաստատուն կը մնայ քառամեայ միջոց մը տալ Փառէնի կաթողիկոսութեան 348-էն 352: Իսկ իւր տարիքին գալով կանուխ և խաղաղութեամբ մեռնելն ալ խոր ծերութեան հասած լինելուն նշանակ է, ինչ որ նախընթաց ժամանակին մէջ Լուսաւորչի հետ ունեցած յարաբերութենէն ալ ցուցուած է:

Մահուան տեղը հայրապետական աթոռը պէտք է ենթադրել, այսինքն է Վաղարշապատ. վասն զի ուրիշ տեղ գացած լինելը բնաւ լիջուած չէ. իսկ մարմինը փոխադրուած է իւր առաջին կեանքին և առաջին պաշտօնին տեղը: Եկեղեցւոյ պաշտօնէութիւնը կը տանի զայն Տարոն և կը թաղէ «ի յագարական մեծի մարգարէանոցին Յովհաննու» (Բուզ. 45), որ ըսել է Ս. Կարապետի եկեղեցիէն դուրս: Հին կանոններ կը պատուիրէին. «Մի ոք իշխեսցէ թաղել զգրիս մերձ ի սուրբ եկեղեցիս, այլ արտաքս քառասուն քայլ» (Բարսղի. Գ. 135: Կան. 109): Անոր համար է որ պատմիչք խնամով կը լիջեն թէ թաղուեցաւ յազարակն, որպէսզի եկեղեցւոյ մէջ կամ եկեղեցւոյ որմոց ներքեւ չհասկացուի:

## 12. ԺԱՄԱՆԱԿԱՆ ԴԵՊՐԵՏ

Փառէնի ժամանակին դէպքերէն յիշատակութեան արժանի է Յուսիկի զաւակներուն եղերական մահը. իրաւցնէ «յոյժ ահագին և սարսափման լսողաց արժանի» (Խոր. 34): Պապ և Աթանազիսն որ աշխարհասէր կենցաղին կը շարունակէին, կը գտնուէին սնգամ մը Աշտիշատ, որ իրենց հայրենական կալուածն էր (Բուզ. 117) և «բողոք և վարձակօք և գուսանօք և կատա-

կօք... ուտէին և ըմպէին» (Բուզ. 48), երբ կայծակ մը, կամ ըստ պատմչին «Հրեշտակ Տեառն ի նմանութիւն փայլատական», վրանին իջաւ և երկուքն ալ միանգամայն այրեց և մեռուց: Ներկաներ սարսափահար փախան և հագիւ ամիսներ անցնելէ յետոյ «ցամաքեալ և կճղացեալ», այսինքն է խանձողեալ մարմինները վերուցին և թաղեցին Աշտիշատի եկեղեցւոյն ագարակին մէջ: Աթանազիւնէի միակ օրինաւոր զաւակն է Ներսէս, իսկ Պապ ապօրէն զաւակ մը թողած է, Վրիկ անունով, Հացեկացի հարճէն եղած:

Աւելի նշանաւոր է Տիրանի արկածը, որ աչքերէն և թագէն միանգամայն զրկուեցաւ 350-ին: Խորենացիի պատմութեան համեմատ, Տիրան խարդախ բարեկամութեամբ Պարսկաստան հրաւիրուեցաւ, և այնտեղ կալանաւորուեցաւ և հրապարակաւ կուրացուեցաւ (Խոր. 38): Իսկ Բուզանդի պատմութեան համեմատ իւր ճարտուկ ճանճկէն ձին Ատրպատականի Վարազշապուհ մարզպանին չտալուն համար, Փիսակ Սիւնիի քսութեամբ զաւաճանուեցաւ: Վարազշապուհ 3000 զինուորով այցելութեան կուգայ Տիրանի Ապահունեաց գաւառի Աղիորսք գիւղը, Մասիոս լերան մօտ, և Տիրանը նենգութեամբ կը ձերբակալէ, Տալարի գիւղին մէջ կը կուրացնէ և այնպէս Շապուհ թագաւորին կը տանի: Թէպէտև երկու պատմութիւններ էականին մէջ շատ չեն տարբերիր, սակայն աւելի պատմական է Խորենացիին յառաջ բերած ձևը, նկատելով մանաւանդ Տիրանին՝ Յոյներու օգնութեամբ և Պարսիկներու կամքին դէմ թագաւորութիւնը ձեռք անցնելու պարագայն:

Խորենացիի պատմածին համեմատ Շապուհ անմիջապէս Արշակը թագաւորեցուց Տիրանի տեղ և Հայերու օգնութեամբ Յոյներու դէմ արշաւեց (Խոր. 38): Իսկ ըստ Բուզանդայ Հայեր նախ Պարսից դէմ ելան, յետոյ



Յունաց դիմեցին և կայսեր օգնութեամբ, որ պէտք է լինի Կոստանդ, Պարսից յաղթեցին և խաղաղութեան ստիպեցին Տիրանը դարձնելու պայմանաւ, սակայն կուրացեալն Տիրան ազատութիւն ստանալով թագն ու իշխանութիւնը իւր Արշակ որդւոյն թողուց, և այս ալ հաստատուեցաւ Շապուհի կողմանէ (Բուզ. 54—58): Բուզանդի պատմածը աւելի հաւանական և աւելի կապակցեալ է, թէ և հնար է երկուքն ալ հաշտեցնել, որովհետեւ շատ հաւանական է, որ այս անգամ ալ ուրիշ առիթներու նման, թէ Յոյներ և թէ Պարսիկներ մաս մը նախարարներ ունեցած լինին իրենց հետ միևնոյն ժամանակ և իւրաքանչիւր կողմ իրեններով գործած:

Տիրանի արկածին վրայ խօսելով երկու սլաւոնացիներն ալ անոր երկու աչքերուն խաւարիլը, եկեղեցւոյն երկու լուսաւորները Յուսիկն ու Դանիէլը խաւարցնելուն, այսինքն՝ սպաննելուն կը բաղդատեն (Խոր. 38, Բուզ. 53): Սակայն չլիշուիր բնաւ որ Փառէն կաթողիկոս այդպիսի նշանաւոր պարագաներու մէջ, որեւէ կրօնական կամ քաղաքական գործունէութեան կամ միջամտութեան նշան տուած լինի:

Տիրանի թագաւորութեան տևողութիւնը 11 տարի գրուած է Խորենացիէն (եր. 38), մեք ալ այս թիւը կը պահեմք 339 էն 350 թուականին պատշաճեցնելով: Արշակը թագաւորութեան անցած ատեն իբր 45 տարեկան պէտք է ըսել, և իբր կարող և գործունեայ անձ մը ճանչնալ: Իւր թագաւորութիւնը մեծաւ մասամբ զոյգ կրնթանալ Ներսէսի կաթողիկոսութեան, և երկուքին պաշտօնավարութիւններն ալ թէ պատմական և թէ քննադատական շատ կէտեր ունին մտադրութեան արժանի:

Փառէնի մահէն մինչև Ներսէսի ընտրութիւնը տարիէ աւելի միջոց մը կայ, և Բուզանդ միայն նոր կաթողի-

կոս մը կը դնէ այդ միջոցին համար. Եահակ ոմն անուն ի տոհմէ զաւակին Աղբիանոսի եպիսկոպոսին» (Բուզ. 45), որուն ընտրութիւնը և ձեռնադրութեան համար Կեսարիա երթալն իսկ կը պատմէ: Իսկ Խորենացի և ամեն պատմագիրներ և ցուցակագիրներ համաձայն և հաստատուն կերպով Փառէնի և Ներսէսի մէջտեղ ուրիշ կաթողիկոս չեն ճանչնար և մինչև իսկ Ներսէսի վարքին հեղինակը կըսէ. «Յայս ամս լռեաց հայրապետութիւն Հայոց» (Վարք 14). հետևարար մեք ալ այստեղ Եահակ կաթողիկոս մը չեմք կրնար ընդունել: Նոյն ինքն Բուզանդ որ նախ Եահակ կաթողիկոս մը կը դնէ, յետոյ զայն կը մոռնայ, և առանց նորա մահը յիշելու և առանց դադարման պարագաները ցուցնելու, աթոռը թափուր կը նկատէ, և կը պատմէ այս պատճառով տգէին ունեցած խեղճութիւնը և Ներսէսի բացառիկ կերպով մը կաթողիկոս ընտրուիլը (Բուզ. 94):

Պէտք է ուրեմն իբր ստույգ ընդունել թէ Փառէնէ ետքը աթոռը իրօք թափուր մնաց, սակայն տեղական պարագաներէն նախատեսութեամբ Արշակ և եպիսկոպոսներ հարկ սեպեցին գլխաւոր մը ունենալ, ոչ իբրև աթոռակալ այլ իբրև տեղակալ, և այս եղաւ Բուզանդի յիշած Եահակ եպիսկոպոսը: Տեղակալին պաշտօնը տարիէ աւելի տեւեց և այս տարին է որ յոմանց գումարուեցաւ Փառէնի կաթողիկոսութեան 4 տարիներուն, և Փառէնի 5 տարի տրուեցաւ: Սպ. ինքն Եահակն է որ ըստ միաձայն վկայութեան պատմչաց Ներսէսէ ետքը իրօք կաթողիկոս եղաւ:

Բայց Ներսէսի և իւր յաջորդներուն վրայ Աստուծով ուրիշ անգամ:




ՉՈՐՐՈՐԴ ԴԱՐՈՒ ՀԱՅ ԵԿԵՂԵՑԻՆ

Գ.

ՆԵՐՍԷՍ ՄԵԾԻ ՅԱԶՈՐԴՆԵՐ

III

(Արտատպած Վ. Լուսինյան հանդիսից)



ԹԻՖԼԻՍ  
Տպարան Տ. Մ. Ռոսինկանցի  
1903

կոս մը կը դնէ այդ միջոցին համար. Եահակ ոմն անուն  
ի տոհմէ գաւակին Աղբիւնոսի եպիսկոպոսին» (Բուզ.  
45), որուն ընտրութիւնը և ձեռնադրութեան համար  
Կեսարիա երթալն իսկ կը պատմէ: Իսկ Խորենացի և ա-  
մեն պատմագիրներ և ցուցակագիրներ համաձայն և հաս-  
տատուն կերպով Փառէնի և Ներսէսի մէջտեղ ուրիշ  
կաթողիկոս չեն ճանչնար և մինչև իսկ Ներսէսի վար-  
քին հեղինակը կըսէ. «Յայս ամս լուեաց հայրապետութիւն  
Հայոց» (Վարք 14). հետևաբար մեք ալ այստեղ Եա-  
հակ կաթողիկոս մը չեմք կրնար ընդունել: Նոյն ինքն  
Բուզանդ որ նախ Եահակ կաթողիկոս մը կը դնէ, յե-  
տոյ զայն կը մոռնայ, և առանց նորա մահը յիշելու և  
առանց դադարման պարագաները ցուցնելու, աթոռը  
թափուր կը նկատէ, և կը պատմէ այս պատճառով ազ-  
գին ունեցած խեղճութիւնը և Ներսէսի բացառիկ կե-  
պով մը կաթողիկոս ընտրուիլը (Բուզ. 94):

Պէտք է ուրեմն իբր ստույգ ընդունել թէ Փառէ-  
նէ ետքը աթոռը իրօք թափուր մնաց, սակայն տեո-  
ղական պարապութեան նախատեսութեամբ Արշակ և ե-  
պիսկոպոսներ հարկ սեպեցին գլխաւոր մը ունենալ, ոչ  
իբրև աթոռակալ այլ իբրև տեղակալ, և այս եղաւ Բու-  
զանդի յիշած Եահակ եպիսկոպոսը: Տեղակալին պաշտո-  
նը տարիէ աւելի տևեց, և այս տարին է որ յոմանց դու-  
մարուեցաւ Փառէնի կաթողիկոսութեան 4 տարիներուն,  
և Փառէնի 5 տարի տրուեցաւ: Սպ ինքն Եահակն է որ  
ըստ միաձայն վկայութեան պատմչաց Ներսէսէ ետքը  
իւրօք կաթողիկոս եղաւ:

Բայց Ներսէսի և իւր յաջորդներուն վրայ Աստու-  
ծով ուրիշ անգամ:




# ՉՈՐՐՈՐԴ ԴԱՐՈՒ ՀԱՅ ԵԿԵՂԵՑԻՆ

Գ.

## ՆԵՐՍԷՍ ՄԵԾԻ ՅԱԶՈՐԴՆԵՐ



(Արտատպած Վ. Մանյա հանդիսից)



ԹԻՖԼԻՍ

Տպարան Տ. Մ. Ռոտինեանցի

1903

**Дозволено цензурою, Тифлисъ, 30-го Мая 1902 г.**

## ՆԵՐՍԷՍ ՄԵԺԻ ՅԱԶՈՐԴՆԵՐ

### Տ. ՇԱՀԱԿ ՄԱՆԱԶԿԵՐՏԱՑԻ

#### 1. ԿԱԹՈՂԻԿՈՍՈՒԹԻՒՆԸ ԵՒ ԱՆՈՒՆԸ

Մեծին Ներսէսի մահուան և թաղման վրայ ատեն չանցաւ, թաղաւոր և եպիսկոպոսներ համաձայնութեամբ հալլապետական աթոռին վրայ հանեցին Շահակը: Սա ինչ երկար ատեն պաշտօնավարեց և ոչ լիշատակաց արժանի գործ մը կատարեց, բայց շատ խնդիրներ կան իւր վրայ մտադրութիւն: հրաւիրող և նշանաւոր զիպուածներ ալ չեն պակսեր իւր ժամանակին մէջ:

Առաջին խնդիր բուն իսկ անունն է: Թորենացի (Թոր. 94) և անոր հետեողութեամբ պատմագրաց և ցուցակագրաց ստուար մեծամասնութիւնը կը գրեն Շահակ, որ է նոյն ինքն իստահակ կամ Սահակ անունը ասորական հնչմամբ, որուն կը հետեւէր Տորոն գաւառն ալ հարաւարին գաւառաց հետ: Կան և պարզապէս Սահակ գրողներ (Սմբ. 273): Բուզանդ (Բուզ. 232), և այլ պատմաւոյժ ոմանք երկու տիպաներն ալ պահելով Յուսիկ մը և Շահակ մը միանգամայն անցուցին իրենց ցուցակին մէջ:

Մեր կարծեօք Թորենացու Շահակը և Բուզանդայ Յուսիկը տարբեր անձեր չեն, այլ մի և նոյն տնտան գրչական տարբերութիւնք են, կամ թէ երկու անունով անձ մըն է, ինչպէս Փառէն — Ներսէս հալլապետին համար ըսինք: Երկու պատմագիրք ալ Ներսէսի և Զաւէնի մէջ միայն մէկ կաթողիկոս կը ճանչնան, և օրէն չէ շատ ցնահլ: Երկուքին լիշտ անձն ալ նոյն Մանազկերտ գաւառէն է և նոյն Ազրիտանոսի ցեղէն: Երկուքին պաշտօնական նկարագիրը նոյն, և կաթողիկոսական ընտրութեան և ձեռնադրութեան կերպերը նոյն, կաթողիկոսութեան պետութիւնն ալ նոյն միջոցով փակուած: Մի և նոյն մամանակի մէջ երկու ըստ ամենայնի համաձայն տնտեր գտնել, թի և նոյն անձը գտնել ըսել է:

Գրչութեան տարբերութեան լուծումը կուտայ մեղ Ներսէսի և Բարսղի ժամանակ պատրաստուած արեւելեան եպիսկոպոսաց ուղերձը, որուն վրայ խօսուեցաւ Ներսէսի կաթողիկոսութեան վերջերը: Յունարէնին մէջ Iosacis=Իոսակ գրուած անունը լատիններէնի մէջ Isaacis=Իսահակ գրուած է, որոնց առաջինը տառադարձական փոփոխումներով կը լինի Յուսակ և Յուսիկ, իսկ երկրորդը կը լինի Սահակ և Շահակ: Այդ դիտողութիւնը իրաւունք կուտայ մեղ հետեցնելու թէ չունարէն Բուղանդական պատմութենէ քաղուած Բուղանդարանը Շահակի անունը Յուսիկի փոխեց, և թէ երկու անուններ երկու անձեր չեն և երկու կաթողիկոս ընդունելու չեն նպաստեր:

Տարբեր անուն մըն ալ կը գտնեմք Այրիվանեցւոյն ցուցակին մէջ, ուր Շահակի տեղ Չոնակ գրուած է (Այր. 16), որ Ներսէսի ժամանակ հակաթող կամ ետեղակալ գրուած անձին անունն է: Արդէն Ներսէսի վրայ խօսած ատեննիս ալ ըսինք թէ Չոնակ ըսուածը Շահակէ տարբեր անձ մը չկրնար լինել, հետեւեալ Այրիվանեցւոյն ցուցակն ալ իւր տարբերութեան մէջ նկատողութեան արժանի պարագայ մը կը պարունակէ և կը հաստատէ թէ Շահակ—Չոնակ—Յուսիկ անձը, մի և նոյն հայրապետն է, զոր մեք կը շարունակեմք առելի սովորական անունով Շահակ կոչել:

Շահակի համար գրուած ծանօթութիւններն են, թէ Մանազկերտէ էր, թէ Մանազկերտի եպիսկոպոս էր, և թէ Աղբիւնոս եպիսկոպոսի ցեղէն էր, որ Մանազկերտացեաց ցեղ ալ կը կոչուի (Խոր. 94. Բուղ. 45. 232. Նշև. 27, Փարպ. 376): Աղբիւնոս եպիսկոպոս ծանօթ է Ալաթանգեղոսէ իբրև Լուսաւորչի նախընծայ և նախաթող 12 եպիսկոպոսներուն առաջինը, որ ապա «կողմանց Նփրատական գետոյն» եպիսկոպոս եղաւ (Աղաթ. 626), աշխինքն է Հարք և Մանազկերտ գաւառներուն «որ կայ ի կողմանս գետոյն Նփրատալ» (Բուղ. 10), որ ուրիշ տեղ Բղնունեաց եպիսկոպոս ալ կը կոչուի (Արծր. 6): Աղբիւնոս եպիսկոպոս միանգամայն եղաւ «վերականգնող արքունական դրան բանակին» (Աղաթ. 627), և անա թէ ինչու Լուսաւորչայ ցեղէն աթոռակալին պակաս կամ բացակայ լինելուն, Աղբիւնոսի զաւակէն կառնուի լաջորդը կամ «տեղակալը»: Իսկ Մանազկերտ Աղբիւնոսի կալուած արուեցաւ ժողովրդը Մանաւաղեանց կոտորածէն ետքը (Բուղ. 10):

Շահակի և Աղբիւնոսի աղղակցական շարաբերութիւնը



տեղ մը եղբայր ըսուած է (Սամ. 273), սակայն առաջին պատմողները «լաջորդէ և ի ժառանգութենէ» (Խոր. 94), կամ «ի զաւակէ» (Բուզ. 232), միայն կը սեն և ոչ աւելի. և 303-ին ատենները նախաթող եպիսկոպոս լինելու տարիքն ունեցող Աղբիանոսը, 373 ին կաթողիկոս ընտրուող Շահակին եղբայր չկրնար ըլլալ, և ոչ իսկ որդի, զի 303-է շատ կանուխ ծնած պէտք է ենթադրել, մանաւանդ որ եթէ եղբայր կամ որդի լինէր, ինչ ըլլալը ժամանակին լատնի կը գրուէր: Ուստի գոնէ Աղբիանոսի թող կամ կրտսերեղբոր որդի պէտք է ըսել. և 352-ին տեղապահութիւն ըրած լինելն ալ նկատի առնելով, պէտք է 373-ին 70 տարեկանէ վեր ենթադրել Շահակ կաթողիկոսը:

## 2. ԶՆՌՆԱԴՐՈՒԹԵԱՆ ԽՆԴԻՐԸ

Շահակ ըստ միաձայն վկայութեան պատմչաց ձեռնագրութեան համար Կեսարիա չգնաց (Խոր. 94. Բուզ. 232, Նշի. 27), և պատճառն ալ ալն է որ արդէն եպիսկոպոս էր. (Բուզ. 232), և նորէն ձեռնադրութիւն չէր ըլլար: Յուսիկի, Փառէնի և Ներսէսի Կեսարիա երթալին պատմած ատեննիս եպիսկոպոս չլինելնին ալ միանգամայն լիշեցուցինք. բայց Շահակի չերթալը ասպագալին մէջ հաստատուն սովորութիւն եղաւ, և անկէ առիթ առնելով դէմդէմի կեղծ պատմութիւններ շինուեցան:

Բուզանդ կը գրէ թէ երբ Կեսարիոյ արքեպիսկոպոսը Շահակի կաթողիկոսանալը լսեց, բարկացաւ, և եպիսկոպոսաց նահանգական ժողով գումարեց, Հալոց կաթողիկոսութիւնը քնջեց, և լոկ հալ եպիսկոպոսներու վրալ նախաթողութեան իրաւունքը թողուց, պարզապէս արքունեաց մէջ հաց օրհնելու պաշտօնով, որ լատնի չէ թէ ճաշ օրհնել թէ ոչ պատարագ մատուցանել պիտի իմացուի, և միանգամայն հրաման հանեց որ ալնուհետև բոլոր Հայաստանի եպիսկոպոսներ Կեսարիա երթան և ալնտեղ ձեռնադրուին:

Այս ամեն տարօրինակ կարգադրութիւնք պէտք է 373ին եղած լինին, մինչ 370էն 379 Կեսարիոյ արքեպիսկոպոսը Ս. Բարսեղն է. որուն ամեն գործերը ամենայն մանրամասնութեամբ իւր գրքերէն և նամակներէն և իւր ընկերակցաց և աշակերտաց գրուածներէն կը քաղուին. իսկ Բուզանդի պատ-

մածններուն հետքն անգամ հտեանուիր: Երբ Թիաւնիոյ և Նիկոպոլսոյ եպիսկոպոսներուն հետ վարած խնդիրները ամեն պարագաներով գրուած են, զարմանալի պէտք է լինէր որ Հալոց կաթողիկոսին հետ ունեցած աւելի մեծ և աւելի կտրուոր խնդիրը բացարձակապէս մտադրութենէ վրիպէր:

Աւելին ալ կալ: Բարսեղ Հալոց և հալ եպիսկոպոսաց խնդիրներ ալ կը վիչէ և Հայաստան ալցելէն ալ կը պատմէ. ստեղծել Բարսեղի ըրածը և գրածը Նիկոպոլիս և Սաղաղա և Կոզմիւս և Մելիտինէ և Կոմանա քաղաքներու շրջանակներու մէջ կամփոփուին, որոնք Փոքր Հալոց քաղաքներ են և Պոնտոսի եքսարքութեան Առաջին Հալք և Երկրորդ Հալք կոչուած նահանգները կը կազմեն, և Սեծ Հալքէ դուրս կը մնան, որ է բուն Հալոց կաթողիկոսին վիճակը կամ իրաւասութեան սահմանը: Պէտք է ևս աւելացնել որ Բուզանդի ցուցած պարագաներէն և ոչ մէկը երբեք ճշմարտուած չէ. ոչ կաթողիկոսը լոկ հացերէց ժը դարձած է, ոչ Հալոց մէջ եպիսկոպոսական ձեռնադրութիւնը դադրած է, ոչ հալ եպիսկոպոսացունքը Կեսարիայէ ձեռնադրութիւն առած են, ալ միայն Շահակէ սկսելով կաթողիկոսներն ալ Կեսարիայէ ձեռնադրուած չեն. և 353-էն ետքը Կեսարիոյ հետ պատահաբար սկսած ձեռնադրութեան կողմն ալ դադրած է:

Այդ ձեռնադրութեան պատահական կողմն ալ մենք կրնա՞նք դռնիմք միայն ի պատիւ մեր ազգային դիրքերուն. ապա թէ ոչ եթէ արտաքին դատաւարաց և մատենադրաց դիմեմք և եթէ՛ ինչպէս ալ ժամ ոմանք կուղեն՝ միայն արտաքին պատմիչներուն ըսածը իբր քերական հեղինակութիւն և պատմական ստուգութիւն ընդունեմք, իրաւունք կունենամք նոյն իսկ Գրիգորի և Ներսէսի Կեսարիոյ ձեռնադրուած լինելն ալ ջնջել. քանի որ արտաքինք ասանկ բան ժը չեն պատմեր: Հետեւաբար եթէ ազգային պատմագրներով պիտի խափմք, պէտք է ընդունիմք թէ 303է 373 տարիներու միջոցին ալ ոչ երբեք Կեսարիոյ արքեպիսկոպոսներ Հալոց եկեղեցւոյ դռներուն միջամտեցին, ոչ երբեք Հալեր խնդրոյ համար Կեսարիոյ դիմեցին, և ոչ երբեք Հալոց կաթողիկոսութիւնը ինքզինքը Պոնտոսի եքսարքութեան ենթարկեալ ճանչցաւ և ոչ ալ Կեսարիոյ արքեպիսկոպոսներ Սեծ Հալքը իրենց իրաւասութեան մէկ նահանգը կարծեցին:

Յետ ևս պարտաւ պատմութիւնք Մարտիրոս և Հեղապէս ներս ժամանակ այնպէս կը ցուցնեն, որ երբ Կոստանք Հալ-

առատանէ գաւառներ տաին և լուսական նոր կուսակալութիւններ կազմեցին, եկեղեցական կարգադրութիւններ ալ ըրին և Հաղաստանի մէջ լուսական մետրապոլիտութիւններ և եպիսկոպոսութիւններ ստեղծեցին, բայց ալ ոչ չորրորդ դարու վիճակը կը փոփոխէ, և ոչ Հայոց հայրապետութիւնը կը խախտէ: Ստորդ է հս որ քաղաքական տիրապետութեան հետ եկեղեցական տիրապետութեան ալ փոխեր եղան ժամանակ ժամանակ, ասկայն ալ ալ հիմնական կացութիւն մը չեղծաներ, ինչպէս լուսական պատրիարքութեանց իրաւասութիւններ չկորսուեցան, երբ Խաչակրաց ժամանակ իրենց աթոռներուն վրայ լատին աթոռակալներ գրուեցան:

Բուզանդի կազմած պատմութիւնը դարմանելու համար, հակառակ պատմութիւն մը կը գտնեմք Ներսէսի վերջէն գրուած ժառանգի մէջ, զոր առաջին պատմութիւնք չեն լիներ: Նոր պատմութիւն նախ կըսէ թէ կեսարիա երբեմն Հայոց քաղաք էր և թէ կեսարիոյ առաջին եպիսկոպոսն Քէոփիլոս Թադէսէ ձեռնադրուած էր, և ասկա կը լսուի թէ Ներսէսի քարեկարգութեանց ժամանակ ժողովով հաստատուեցաւ որ ալ հս կեսարիոյէ ձեռնադրութիւն լսանալ, վասն զի Հայոց աթոռն ալ առաքելական է Թադէոսով և Բաբբուղիմէսով, վասն զի նոյն միջոցին Երաւսաղէմ ալ և կիպրոս ալ կոստանդնուպոլսոյ ժողովոյն որոշմամբ պատրիարքութեան փոխուեցան և նոյն ժողովը Հայոց պատրիարքութիւնն ալ ընդունեցաւ (Նշխ. 9—10, Յովհ. 62):

Արդ արաբիսի եղելութիւն մը իբր պատմական չեմք կարող ընդունիլ. զի Ներսէսի սկզբնական պատմագիրներէն և ոչ մին աղապիսի բան մը չեն լիներ. զի արաբքին պատմիչներու և ժողովներու մէջ ալ աղապիսի բան չկայ, և վերջապէս վասն զի աղապիսի պատմութեան ստիժ ալ չկայ: Հայոց աթոռը իւր հիմնարկութեամբ առաքելական է, իբրեք ալ ազատ մնացած է որեւէ ուրիշ աթոռոյ մը գերիշխանութենէ. որով մեծ աթոռներէն և ոչ մէկը կրցած է իշխանութիւն վարել անոր վրայ: Պարզ ձեռնադրութեան խնդիր մը կալ, արտաքինաց քաղաքակրթիւն անձանեթ, իսկ ներքինաց համայն ձանթ միայն երկու պատահական պարագայից մէջ Գրիգորի և Ներսէսի վրայ, և որոս Բուզանդաց միտքն նաև Երազմի և Փառնիի վրայ:

Անտիքի է նաև ամենց շտեղծ թէ ամենքն ի ժողովն Գաղ-վաթիսի (Վաթիս. 31) Հայք կեսարիոյէ ձեռնադրութիւն ա-

ռին, Քաղկեդոնի ժողովը տեղի ունեցաւ 451-ին, և վերջինս  
Կեսարիա դացողը կըլլա՛ Ներսէս 353-ին Քաղկեդոնի ժողո-  
վէն դար մը առաջ, իսկ աչ՝ դարուն մէջ որ Քաղկեդոնէն  
առաջ է, Շահակ և Զաւէն և Ասպուրակէս և նոյն ինքն Ա.  
Սահակ Պարթեւ Կեսարիա դացած չեն լալտնապէս:

Անտեղի է և ա՛ն մեկնութիւնը թէ երբ Հալոց աթոռը,  
պատրիարքութիւն հռչակուեցաւ Ներսէսի ձեռօք, եկեղեցւոյ  
իննեակ դասակարգութիւնը լրացնելու համար Վրաց և Աղուա-  
նից աթոռներն ալ արքեպիսկոպոսութիւն եղան. իսկ Սեբաս-  
տիա և Մելիտինէ և Նիքիերտ և Ծոփք և Մուսուլ մետրապո-  
լութիւն հռչակուեցան (Նշխ. 11): Մեք գիտեմք թէ Վիրք և  
Աղուանք Լուսաւորչի ժամանակէն մեծ աթոռ էին, Սեբաստիա  
և Մելիտինէ և Նիքիերտ Մեծ Հալքէ դուրս են, Ծոփք երբէք  
լատուկ մեծութիւն չունեցաւ, իսկ Մուսուլ Քաղդէացւոց աթոռ  
է և ոչ Հալոց:

Նրկու կողմերուն դէմընդդէմ անհիմն պատմութիւնները  
թողլով և լոկ պատմական եղելութիւնները ամփոփելով կըսեմք,  
թէ Հալք ի սկզբանէ առաքելական և հալրապետական աթոռ  
եղան, երբէք Կեսարիոյ կամ Պոնտոսի եքսարքութեան նահանգ  
չեղան, երբէք Կեսարիոյ աթոռը Մեծ Հալոց վրայ եկեղեցա-  
կան իրաւասութիւն չգործածեց, իսկ ձեռնադրութիւն առնելու  
խնդիրը բոլորովին անծանօթ է արտաքին պատմիչներուն, իսկ  
ներքին պատմիչներէն միայն Ներսէսի և Գրիգորի համար իբր  
ստույգ կրնանք ընդունել, իսկ Յուսիկի և Փառէնի երթալը  
յոյժ երկբայական է, և թէ՛ վերջապէս պատահական կերպով  
եղած բան մը պատահական կերպով ալ դադրեցաւ, առանց  
որ և է դիտողութեան կամ միջպդէպի տեղի տալու:

Վերջէն ընտրուողներուն արդէն ձեռնադրուած եպիսկո-  
պոս լինելը, հաւանականագոյն պատճառն է պատահական սո-  
վորութեան դադրելուն:

### 3. ՄԱՀ ԵՒ ԺԱՄԱՆԱԿԱԿԻՑ ԴԵՊԲԵՐ

Շահակի անցեալին վրայ մինչև հիմա անցողակի ըսած-  
ներէս դուրս բան չունինք լիջելու: Մանազկերտացիաց ցեղէն,  
Մանազկերտի եպիսկոպոս, 352ին, տեղապահ Փառէնի մահ-  
ուանէ յետոյ, 360ին դարձեալ տեղակալ Արշակի հրամանով  
Ներսէսի քաջնելու տարիներուն, 372ին արեւելեան եպիսկո-

պոսաց ուղերձին մէջ ստորագրող Յուսակ անունով, 373ին լուրաց բնական բերմամբ կաթողիկոս եղաւ 70է վեր տարիքի մէջ: Լուսաւորչաց ցեղէն Սահակ կալր միալն հաղիւ 24 տարեկան երիտասարդ, ալլ և նա բացակա էր, միւս կողմէն փափաք ալ կալր հանդարտ ծերունի մը ունենալ իբր կաթողիկոս:

Շահակին համար գրուածներն են. «ոչ հեռի ի գովութենէն» (Խոր. 94), «Քրիստոնեայ, բալց երկչոտ և հաւան» (Բուզ. 233), «Ալր գովելի առաքինութեամբ և բարեկարգութեամբ կրօնից» (Նշխ. 27. Յովն. 67), որք կը ցուցնեն թէ բարի և հանդարտաբարոյ ծերունի մըն էր, առանց կարողութեան, և թերեւ առանց իսկ լօժարութեան քաղաքական գործոց միջամտելու և արքունեաց դէմ մաքառելու: Ըստ Բուզանդայ տարօրինակ անկարգութեանց կը ձեռնարկէ Պապ, զորս եթէ լուութեամբ հաստատած լինէր Շահակ, մեղադրանքէ աղատ պիտի չմնար, նաև իրիւ լոկ եկեղեցւոյ պաշտօնեայ նկատեալ:

Պապայ վերագրուած լանցանքներն են. որբանոցներ և հիւանդանոցներ կործանել, կուսաստաններ ցրուել և կոլսերը պղծել, աղքատաց վերակացունելը հալածել և աղքատաց օգնողները պատմել, եկեղեցեաց պտղիները խափանել, ամուսնութեան հաստատութիւնը բառնալ և ազատ կնաթողութիւնը ներել, հեթանոսական վայրագ սուգերը նորոգել, եկեղեցական պաշտօնեաները արքունեաց ստրկութեան առնուլ, եկեղեցական կալուածներուն եօթնէն հինգը զբաւել, և վերջապէս կուռք կանգնել և համարձակ դիւսպալտութեան սկսիլ: Դիւրին է ընդունել թէ Պապ անհոգութեամբ թող տուաւ որ Ներսէսի դրած բարեկարգութիւնք խափանուին, ալլ Բուզանդայ գրածները եկեղեցւոյ հալածչի և ուրացողի մը կերպարանը կը ղգենուն. որ հաւանական չերևիր քրիստոնեայ իշխանի մը վրայ: Միւս կողմանէ նոյն իսկ Պապի 23 տարեկան հասակը լուրջ գործողութեանց ընդունակ չէ: Վերջապէս Ներսէսի մահէն մինչև Պապայ սպանութիւնը հաղիւ թէ տարի մը անցած է և Պապ պարտաւորուած է լուսական ամբաստանութեան դէմ ինքզինքը պաշտպանել, որով աւելի զգուշաւոր լինելու ալ հարկ զգացած պիտի ըլլար:

Յունաց և Պապայ հակառակութիւնը որչափ և պատմիչներէն վկայիւլ սակալն առեղծուածական լինելէ չղադրիր, Յոյն մօր զաւակ, Յունաստան ապրած, լուսական կրթութիւն առած և Յունաց օգնութեամբ թագաւոր եղած անձի մը վրայ:

Մերայինք կըսեն թէ Պարսից հեա դաշնակցեցաւ և Յունաց դէմ ելաւ (Բուդ. 238. Խոր. 94), իսկ լատին պատմիչը կըսէ թէ Տերենտ կուսակալ Պոնտոսի հալ նախարարներէն ոմանց հեա համամտութեամբ Պապը շարունակ կամքաստանէր Վաղէսի անջնէ, և Հարցոց դժգոհ լինելը պատճառելով թագաւորը փոխել կառավարիկէր, որպէս զի Հախիւ չուսանատելով Պարսից կողմ չանցնին (Ամմ. 328), որ ըսել է թէ Պարսից կողմ անցած չէին տակաւին, և թուրք գործը կամփոփուէր Տերենտի անձնական հակառակութեան վրայ:

Վաղէսի հրամանաւ Պապ կողքայ կիլիկիոց Տաբսոն քաղաքը և նենդութեամբ կալանաւորուելէ կասկածելով, 300 ձիաւորով կը փախչի, հետամուտ եղող գունդը եա կը դարձնէ: Սփրտաւ ի լող կանցնի, Դանիէլ և Բարզեմիւր գնդապետներուն գրաւած կիլիկիէն հնարիմացութեամբ կաղաթի, և իւր թագաւորութեան երկիրը կը դառնայ: Յունաց զօրավար Տրախանոս, ստացած հրահանգին համեմատ, նախ Պապին վստահութիւնը կը գրաւէ, և հացկերով ի հրաւիրելով սեղանի վրայ սակրաւորաց ձեռօք սպանել կուտայ (Ամմ. 329—230, Բուդ. 238—239): Այս կը գործուի 374 տարուոյ ամառուան մէջ Բագրևանդայ թին գիւղը:

Խորենացոյ պատմութեամբ Պապ Յունաց դէմ պատերազմի կելնէ և զերի կիլիկիոց Տերենտի ձեռք և կապանօք Թէոդոսի կը զրկուի և Թէոդոսի հրամանով կը գլխատուի ի կոստանդնուպոլիս (Խոր. 96): Սակայն Թէոդոս 379ին կալսրութեան հասած լինելով, բարեբաղդարար Խորենացոյ անարգան պատմութիւնը ի հիմանց կը մերժուի, Թէոդոսի անուան ալ չաւանանակաւ արաս մը չլինելու համար:

Խորենացիին ունիմք թէ Պապ 7 տարի թագաւորած է, որ է ըսել թէ թագաւորութեան Դրդ տարին սպանուած է: Արդ, 368ին թագաւորած լինելով 374ին կը լինի վախճանը, հազիւ 24 տարեկան եղած ատեն:

Անփորձ պատանի մը երեցաւ Պապ իւր բողոք իշխանութեան մէջ, փորձանքներու և վատնդներու մէջ արի, ալլ անկարող երկրին օգտակար և ազգին օրելի լինելու, որ չաղանք է ազգային պատմիչներուն իւր վրայ նախատանօք խօսելէն: Ամփոփանս իբրեւ ժիր և չուսալից երիտասարդ մը կը ներկայացնէ Պապը, իսկ անունը չարաւնակ Պարսո (Քարս) կը գրէ, որուն անդի չուսածը արուած է: Կալենոս պարզ փոխան

4րդ վերագրէ և ինքն ուղղելով Պաթա (Paba) կը գրէ (Կաթ. Ա. 52):

Պապայ սպանութենէ ետե Յոյնք անմիջապէս՝ նոր թագաւոր մը տուին Հայոց, զի Տերենտի առաջադրին ալ պարզապէս Պապը փոխէէ էր և ոչ թագաւորութիւնը ջնջել: Եւ անտե ուսած անձը եղաւ Վարադդատ, թոռն Արշակայ և եղբորորդի Պապայ (Բուգ. 248, Վարք 118), որ ի ժամանակի փախստենէն Շապուհ, (Խոր. 96), — ալ լատինի չէ թէ որ փախչելէն — ինքն ալ Կոստանդնուպոլիս գացած և կալսերական բանակին դէմ ուսարած, և ողոմակական ըմբիշներու քաջութիւններով նշանաւոր եղած էր: Տաքիքը պղտիկ և հազիւ 25 կրնալ ենթադրուի: Վարադդատին գալէն առաջ նախարարք Մուշեղայ նախագահութեամբ խորհուրդ ըրած և Յունաց կողմը մնալու որոշում տուած էին (Բուգ. 243), ուստի Վարադդատն ալ զիւրութեամբ ընդունեցան:

Վարադդատ հազիւ 374ին վերջերը կրնալ գործի դուրս անցած ըլլալ: Արդ միջոցին Շապուհ նորէն Հայաստանը գրաւելու հետամուտ էր, և զոնէ կիսելու և ջնջելու համար դիսպանութիւն լղեց առ Վաղէս. Վաղէս մերծեց և նորէն փոխադարձ դիսպաններ զրկուեցան, այլ համաձայնութիւն չգտացաւ և 375ին մեծ պատերազմի պատրաստութիւնք սկսան երկուստեք: Երբ Վաղէս կուղէր բոլոր զօրութիւնը ալս կողմ թափել (Ամմ. 331), և Մուշեղի խորհրդով Հայաստանի մէջ նոյն իսկ Հաղբով Բունական քանակ կազմել (Բուգ. 241), պարտաւորուեցաւ արեւելքը լքանիլ և արեւմուտքէն եկող փշտանդին դէմ վազել. և Վիկտոր զօրավարին լանձնեց Պարսից հետ քանակցից և զիջողական պայմաններով խաղաղութիւնը գնել. և ապաքէս ոչ կրցաւ Պարսից լաջողութիւնը արգելալ և ոչ ալ իւր կորուստին վրէժը լուծել (Ամմ. 331):

Վարադդատ անփորձ երիտասարդ և հասակակիցներով չբխապատուած, տակաւին կրցաւ ալդ չփութութեանց մէջէն պարտուով իջնել, աղքէն սիրելի լինել և հնար եղածին չափ խաղաղ կառավարութեան սկսիլ Յունաց համութեամբ Պարսից հովանաւորութեան տակ մտնելով (Բուգ. 241): Մուշեղ էքաղ գաբժներուն հաղին, ոչ նուազ քաջ զօրավար, քան նախադաշխարհավար:

Միայն կաթողիկոսի անուան չենք հանգիստը տրուելի յաշտութեամբ զիջուածոց մէջ, ինչպէս են Պապայ սպանութիւնը,

Վարազդատալ թագաւորելը և երկրին քաղաքական կերպարանափոխութիւնը: Տարիք և բնաւորութիւն են Շահակալ արդարացումը: Յկեզեցական գործունէութիւն ալ չունիմք որ նորա անունը կրէ, և հայրապետութեան չորրորդ տարին կեանքըն ալ կը կնքէ (Խոր 94): Այդ տեղութեան չափը զոր նախկին պատմիչը կուտայ, փոփոխելու հարկ չեմ տեսներ: Թէպէտ լետիններէն ոմանք մինչև 2 տարի իջեցուցած են և ուրիշներ մինչև 6 աճեցուցած, առանց ժամանակագրական ստիպողութեան: Շահակալ 4 տարիները պէտք է ղետեղել 373 էն 377:

Ոչ մահուան պարագայը լայտնի են և ոչ գերեզմանին տեղը: Հաւանական է ենթադրել որ լուրորդին քաջուած կեանք մը ունէր, և եթէ մահն ալ իւր հայրենական Մանազկերտի մէջ չեղաւ, հարկաւ մարմինը փոխադրուեցաւ իւր հայրենական կալուածը, ինչպէս բոլոր նախորդ հայրապետաց համար պատմուած տեսանք: Դիտողութեան արժանի է որ և ոչ միոյն համար կրցանք գրել տակաւին թէ Մայր Աթոռին մէջ մեռաւ և Մայր Կաթողիկէին մօտ թաղուեցաւ:

## Տ. ԶԱԷՆ ՄԱՆԱԶԿԵՐՏԱՅԻ

### 1. ԿԱԹՈՂԻԿՈՍՈՒԹԻՒՆԸ

Շահակալ լաջորդը դիւրաւ որոշուեցաւ ժառանգական ոճին հետեւելով և կաթողիկոս եղաւ Զաւէն Մանազկերտացեաց կամ Աղբիանոսեանց տոհմէն: Յետիններէն ոմանք (Նշխ. 28, Յովհ. 68). Զաւէնը Շահակալ եղբայր կարծեցին, բայց լինէր միայն «յաղգականութենէ» կամ «ի զաւակէ» Աղբիանոսի կըսեն (Խոր. 98, Բուզ. 271), հետեաբար հաւանականագոյն է լուկ եղբորորդի կարծել:

Զաւէնի հայրապետութիւնը Խորենացին կը դնէ «երկրորդ ամի Վարազդատալ» (Խոր. 98), և մենք Վարազդատի թագաւորելը 374ին վերջը կամ 375ին սկիզբը դրած լինելով Շահակի մահը և Զաւէնի լաջորդութիւնը միանգամայն տեղի ունեցած կը լինին 377ին և Խորենացու ժամանակագրութեան համեմատական մասը անփոփոխ կը մնայ:

Խորենացին լուռ է բոլորովին Զաւէնի արդեանց կամ արժանեաց վրայ, ալ Ներսէսի վարքը զրոյց և Յովհաննէս



կաթողիկոս Հռաքինահրաշ վարուք պալծառացեալ՝ կըսեն (Նշխ. 28, Յովն. 68), թէպէտ ոչ գովեստի պատճառն է յալտնի, և ոչ գովանի գործերու շարք մը պատմուած է: Այլ գոնէ համբաւոյն և աւանդութեան արձագանքը ունեցած են, ալդ համարձակ վկայութիւնը տալու համար:

Իսկ Բուզանդ՝ բոլորովին աննպաստ կերպով կը նկարագրէ Զաւէնը, իբր «չարարար, խիստ, նախանձոտ» անձ մը, որ «որկորոտութեամբ, ազահութեամբ, անառակութեամբ կալբ զամենայն աւուրս կենաց իւրոց» (Բուզ. 271): Բայց ալսչափ տխուր նկարագիրէ ետև և ոչ մի գործ չպատմուիր, մինչ պատմիչը պարտաւոր է եղելութիւնները յայտնել, որ ընթերցողը իւր տպաւորութիւնները կազմէր: Դիտելի է ևս որ ալդ խօսքերը կը գտնուին Բուզանդի վերջին կցկտուր նութեան մէջ, որք շատ մը քննադատութեան տեղի տուած են:

Զաւէնի վրայ դրուած միակ մեղադրանքն այն է, որ ինքըն անձամբ և իւր քահանայք իրեն հետեղութեամբ կրօնաւորական զգեստի տեղ՝ դիւնուորական զգեստ, ալսինքն ազադասակարգի աշխարհականաց զգեստը սխան հագնել, և խօսքը աւելի ճշդելով, զանց ըրին կրօնաւորաց լատուկ «պճղնաւոր» զգեստները որք մինչև ոտքերը կը հասնէին և սկսան հագնել «խոտորկտուր ի վերայ ծնգաց», ալսինքն է մինչև ծունկը հասնող և առջևէն շեղակի բացուած զգեստներ (ինչպէս Ասորեստանայց հին քանդակներուն վրայ կը տեսնուին), ալն ալ նարօտներով, ծոպերով և կոճակներով դարդարուած, և միանգամայն սամուրենի, կնքմենի, աղուէսենի և գալլենի մուշտակներ ալ գործածել, և ալս զգեստներով բւմ ալ ելնել:

Արդ յալտնի է որ եկեղեցականութիւնը առաջ ալ երկու ճիւղ ունէր, մին կրօնաւորական կամ վանական անձերէ բաղկացած, և միւսը աշխարհիկ ամուսնացեալ երէցներէ կազմուած: Լուսաւորչալ ազգատոհմէն եղող հալրապետները կանուխ կամ անագան ինքզինքնին կրօնաւորութեան նուիրած էին և իրենց օրինակը ընդհանրացեր էր իրենց շրջանակին մէջ: Տարբեր էր Մանազկերտացեաց կամ Աղրիանոսեանց ուղղութիւնը, որք ամուսնաւոր դասակարգէ էին և աշխարհիկ ձևերը կը տանէին: ալսպէս էր և Խաղ, որ իբր ձևատէր և պըճնասէր կը բամբասուէր, ալսինքն է իւր վարդապետին Ներսէսի կրօնաւորական ոգի մը շունէր, թէպէտ և սրբութեան և քանչեւագործութեան համբաւն ալ վը վալելէր միանգամայն:

Արդ իսպին ալ Մանուկերտացեայ աղբակից էր և անոնց պաշտարանութիւնը վաչկեց իւր հալածմանց մէջ: Բուզանգ Ասորբակէսի համար արքայութեան վերադարձինը չլլանալ, թէպէտեկըէ թէ «արանէր զամբարեալս և ժառարկնեալս» (Քաղ. 280): Զաւէնի ըրածը պարզապէս դրսեման մը խնդիր կերեւի, ապինքն կրօնաւոր և վաճառական չնկող եկեղեցականները, կրօնաւորական անգնաւորին կամ սքեմին պարտաւոր չնկատել, և թեքեա ալ դրսեման պաշտպան կանգնեցը անոնց կողմանէ մեղադրանաց առիթ ընծարեց: Սակաւն ինչ որ խաղի և Պաշարակէսի վրայ մեղադրելի չընկաւորութ, պէտք չէ որ Զաւէնի վրայ մեղադրուի: Մ/ւս կողմանէ աշխարհական երէցներուն աշխարհիկ ձեռք զգնաստարակուն օրինակը դեռ եւ կողմաւաններու մէջ, և Կովկասի քանաններ աշխարհականի գլխարկներ կը գործածեն, և թուրքիւս եկեղեցականներուն առկարակամ տարալոր առաջին ատեններու պատուաւոր աշխարհականներու տարալոր էր, և օրինակներն ալ դեռ եւ կը տեսնուին:

Վարազդատի ժամանակն էր Զաւէնի հարապետութիւնը, երբ վաղը ի շատէ խաղաղ և լաջող ալ էր երկրին կացութիւնը. բայց դժբաղդարար ամառակուն չեղաւ: Բաւս կամ Սմբատ Սանառուի, Վարազդատաց անաքիչը, պարզապէսութիւնը ձեռք ձգելու համար զաւանանութեամբ ապանեց ատառ: Մուշեղը, իբր Պապայ արանութեան գործակից. յաջանելով դադել Բաւս եղաւ պարապետ, բայց նախ միջոցին Մանուէլ և Կոն՝ Մուշեղի եղբայրներ Պարսկաստանէ դարձան, համախոսներ դասն, Վարազդատի դէմ եղան, և հրաւիրեցին որ թագէն ու երկրէն հրաժարի և հեռանալ (Քաղ. 242—248):

Վարազդատ անարգեց և ինքն ալ դարձ ժողովեց. Գարնոյ դաշտի պտտերալով Մանուէլի բաջող եղաւ. Բաւս գերի ընկաւ և արանեցաւ, Վարազդատ ալ գերի պիտի իմար Մանուէլի որդւոյ ձեռք, եթէ հաջրերին չարգելէր, որպէս զի վաճիլի և երթալ (Քաղ. 249): Վարազդատ Բանաց կարեւորութեան կողմը դնաց իւր թագաւորութեան շարքոյ տալին (Մար. 98). ալսինքն է 378-ին: Վաղէն հապկեալով Գովկաց զէմ կերթար, ուր և մնաւ 979-ին: Հետեւաբար Վաղէն Վարազդատի օգնելու գլխակի մէջ չէր. Թէպէտ որ նմին բաջորդեց, օգնել չուէր և աջակցեց ալ (Մար. 98), հարկաւ իւր անխաճառութեամբ ձախարութիւնը վրան հրաւիրած ընկնող զգալով:

Վարազդատի փախչելն լետոյ, Մանուէլ Պապայ երկու պղտիկ զաւակները և անոնց մայրը մէջտեղ կը հանէ և անոնց անուամբ կը գործէ: Փաղուեալն Զարեանգափառ անունը (Բուզ. 251), հաշ կարծեցնել կուտազ ցինքն, բայց Խարենազի պի կաղանթական քաղաքէն, էր կըսէ (Խոր. 102), բայց տղապոց լոյն մեծ մայրը իրենց մօրը հետ փոխանակելով: Մեթադրելով որ Պապ Թաղաւորելէ առաջ ամուսնացած չինի, Արշակ և Վաղարշակ իւր որդիք կրնալին առ միջոցին 12 և 11 տարեկան պատանեակներ լինել:

Արտաքին ուժ ալ գտնելու համար, պահ մը կաղեր դիմելու խորհուրդը ունենալէն առջը (Բուզ. 251), կորոշեն Պարսից դիմել, և ծերունին Շապուհ Սուրէն մարդասնը կը դրկէ Պարսից շահերը հաղալու, և միանգամայն կը լքէ երկուց տղապոց արքունական «թագ», և Զալանդուխտի «սխա Թաղաւորաց», և Մուշեղի «Թաղաւորական պատմութեան» (Բուզ. 252): Այսպէս Մանուէլի ջանիւք երկիրը անորոր կացութիւն մը կը փոխանայ: Ըստ Բուզանդայ յանկարծ Մանուէլ Սուրէնը կը հաշածէ, Պարսիկներու վրայ երեք մեծ յաղթանքներ կը տանի և նորէն երկիրը հօթը տալիս հանդարտ կը մնայ, և առ ամենուրեք զրգարէն է Մեհրուստան ուղարկելու: Եթէ տարի լետոյ Մեհրուստան նորէն պատերազմի կաշկալ և Մանուէլէ կը սպանուի (Բուզ. 252—263): Բայց այս ամենը բնաւ պատմութեան հետ կապ չունի և հաճոքը Արշակի պատմութենէն փոխանցուած կէտերի, մանաւանդ որ Մեհրուստանը Պապայ ժամանակէն արանուած գիտեմք:

Ըստ ալլոց Թէոդոսն է Արշակն ու Վաղարշակը զոյգ Թաղաւորեցնալը (Խոր. 106), այլ այս կրնայ Թէոդոսի կողմանէ որակ հասանութիւն լինել, քանի որ արեւելքի գործերով զբաղելու փամք ալ չունէր Թէոդոս: Նորէն կը լիշուի Արշակայ և Վաղարշակայ Թաղաւորելը (Բուզ. 264), բայց այս ալ երկուց եղբայրց ամուսնական պատկազրութեան նետ, իբր չափանաներ Թաղաւորութեան և օժանտ արարողութիւնը ընդունելն է: Արշակի փինք եղաւ Մանուէլի Վաղարշակաւոր աղջիկը (Բուզ. 262), քեպեա ուղիշներ Թաղաւոր Մանուէլ աղջիկը կըսեն (Խոր. 106): Կով Վաղարշակ առաւ Մանուէլ Թաղաւորութիւն աղջիկը: Այս եղբայրութեան Թաղաւորը կըսած է 380 տարին:

## 2. ՄԱՀՆ ՈՒ ԺԱՄԱՆԱԼԸ

Բաւական կարեոր դիպուածներ կատարուած են ալդ միջոցին, և Զաւէն հայրապետը եղած պիտի լինի մանուկ թագաւորները պսակողն և օծողը. սակայն պատմութիւնը երբէք հայրապետին անունը չիչեր: Ընդհանրապէս Մանազկերտացիք մեր պատմիչներուն համակրութիւնը չեն վալելած:

Զաւէնի պաշտօնավարութիւնը տեւած է չորս տարի (Խոր. 98), և ալդ տեղութիւնը պէտք է դնել 377-էն 381: Միւս կողմանէ 351 կրնայ Արշակայ երկրորդ տարին ալ ըսուիլ, յորում դրուած է Զաւէնի կաթողիկոսութեան վերջը (Խոր. 100):

Զաւէնի պաշտօնավարութեան տեղութիւնը Բուզանդ երեք տարի ըսած է (Բուզ. 272), որ կրնայ Գ և Տ թուատաւերու շրջութենէ ծագել. նոյնը կրնամք ըսել ուրիշ երեք տարի զնոյններուն համար ալ (Յովհ. 68): Իսկ Օրբելեան միւսին մէկ տարի կուտայ (Օրբ. Բ. 249), ինչպէս կընեն ևս նորերէն Զամեան և իրեն հետեւողներ ժամանակագրական հաշիւը ուղղելու համար: Սակայն մեր հաշուով Ներսէսի մահէն մինչև Սանակի ընտրութիւնը, 373-էն 387 միջոցը ճշդիւ կը պատասխանէ երեք Մանազկերտացիներուն 13 տարիներուն, և կամայական փոփոխութեանց պէտք չմնար:

Զաւէնի մահուան պարագայք, ինչպէս և իւր թաղման տեղը, պատմութեանց մէջ չիշատակուած չեն, ալլ սովորական հետեւողութեամբ թաղուած կըլինի իւր հայրենական դամբարանը ի Մանազկերտ:

Բուզանդ Զաւէնէ ետքը կը դնէ Շահակ Կորճեայ անուն կաթողիկոս մը միայն երկու տարուան համար (Բուզ. 272): Կետագաւթներէն Միխայել Ասորի՝ Շահակը Զաւէնի եղբայր ըրաւ և վեց տարի պաշտօնավարութիւն տուաւ (Միխ. լաւել. 34), իսկ Խորենացի և բոլոր հին ու նոր պատմագիրք և ցուցակագիրք աղպիսի անձ մը չեն ճանչնար. մեք ալ Բուզանդի առանձնակ վկայութեամբ նոր անձ մը ցուցակի չեմք անցներ: Զաւէնի լաջորդութիւնը նախապատրաստեալ էր ժառանգական ոճով Պարթևադնեայց և Մանազկերտացեաց տուններուն մէջ, և Ասպուրակէս պատրաստ էր, և դուրսէ անձ մը Կորճէից տոհմէն ներս մուծանելու ոչ հարկ կայր և ոչ պատեն առիթ:

Եթէ Բուզանդի դրածին ալ մեկնութիւն մը տալ ուզուի, քի ղէպ է դիտել, որ Կորճեալք ուրիշ չորս դաւառներով Պարսից ձեռք անցած Յայնկոյս Տիգրիսեան նահանգը կը կազմէին, և այդ նահանգը կրնար իրեն լատուկ գլխաւոր պետ մը ունենալ, ալիսինքն եպիսկոպոսապետ մը, որ չփոթմամբ կաթողիկոս և Մայր Աթոռոյ կաթողիկոս կարծուեցաւ: Հիմալ ալ Եգիպտոսի փոխարքայութիւնը Հալոց առաջնորդին պատրիարքի տիտղոս կուտար: Այսպիսի ոք եղած պէտք է ըսել «Շահակ Կորճեայ գլուխ եպիսկոպոսաց» կոչուած անձը (Բուզ. 272), որուն վրայ այդ անորոշ բացատրութիւնէն աւելի տեղեկութիւն չունիմք:

## Տ. ԱՍՊՈՒՐԱԿԷՍ ՄԱՆԱԶԿԵՐՏԱՑԻ

### 1. ԿԱԹՈՂԻԿՈՍՈՒԹԻՒՆ

Զաւէնի անմիջական լաջորդն եղաւ Ասպուրակէս «ի գաւակէ Ադրիանոսի» (Բուզ. 272), կամ «աղղական Շահակայ և Զաւէնայ (Խոր. 100), կամ ըստ ոմանց նոյն իսկ «եղբար Նորուն» Զաւէնայ (Վարք. 28, Յովհ. 68), և կրնալ ալ ընդունուիլ այդ վերջին պարագայն: Կաթողիկոսանալուն թուական պիտի ընդունեմք 381 տարին, որոյ Մալիսին գումարուեցաւ Կոստանդնուպոլսոյ Ս. Ժողովը խորում Մեծ Հալոց եպիսկոպոսներէն ոչ ոք ներկայ գտնուեցաւ: Ամեն պատմագիրք համաձայն են իբրեւ բարի և առաքինի և սրբակրօն անձ ճանաչել զԱսպուրակէս, նոյն ինքն Բուզանդ գովեստներ կը չռալլէ, թէպէտեւ կընդունի թէ զդեատի մասին ըստ ամենայնի Զաւէնի կը հետեւէր (Բուզ. 280):

Ասպուրակէսի կաթողիկոսութենէն քիչ ետքը կը մեռնի Մանուէլ խաղաղական մահուամբ. կարեսոր նորութիւն մը Մամիկոնեան սպարապետներուն շարքին մէջ, զոր և ինքն ցաւելով կը դիտէ, թէ «զլատթար մահս մահձացս և հաս ինձ մեռանել» (Բուզ. 265): Մանուէլի մահուամբ նորէն երկպառակութիւնք սկսան և երկու դրացի պետութիւններուն թշնամութիւնները զրգուեցան: Բայց Թէոդոս Մեծ կայսրը և Շապուհ Գ. Պարսից թագաւորը՝ երկայնակեաց Շապուհի թոռը՝ խաղաղութեան դաշինք հաստատեցին 384 տարին (Dreyss Ա. 165), և այդ առթիւ Հայաստանը մէջերնին լաժանեցին:

(Խոր. 102), միանգամ ընդ միշտ խնդիրի առիթը վերցնելու համար։ Յունաց բաժին եղան Քարձր Հայոց և Յոփաց նահանգներ ինչ ինչ լարակից մասերով միւս նահանգներէն. և Արշակ այն կողմը անցաւ անհաւատի ձեռքին տակ չմնալու համար (Փարպ. 33)։

Գրեթէ տասուերեք նահանգներ Պարսից մնացին աշխարհին մեծագոյն և լաւագոյն մասը, բայց նախարարներէն շատեր Արշակի ետեւէն սկսան գաղթել։ Ասպուրակէս հայրապետ, որով հալոյնիքն ալ աթոռն ալ Պարսից բաժնին մէջն էր մնաց իւր տեղը, և կենթադրեմք թէ գլխաւոր դեր ունեցաւ նոր Արշակունի թագաւոր մը գնելու որոշման մէջ, որ եղև խոսրով, թոռն նախկին Արշակայ, բայց ոչ եղբայր Վարազդատայ, և գոնէ 45 տարեկան մօրդ մը սոյն 384 տարւոյն մէջ, որովհետև լոյժ ծեր մեռած կըսուի 415-ին։

Շապուհ Գ. Խոզրովը թագաւորեցնելէն ետքը հրաւէր կարդաց գաղթող նախարարներուն, և ոչ միայն ասոնցմէ շատեր ետ դարձան, այլ և միւս կողմէն գաղթողներ ալ եղան Հունիի (այժմ Կամախ) գանձերն ալ ի միասին բերելով։ Աստի երկու հալ և աղզակից թագաւորաց թշնամութիւնը, որ վերջացաւ Երեւել դաշտի ճակատամարտով և Խոզրովի լաղթութեամբ, որով աշխարհին բաժանումը մնալուն և հանդարտ ձև մը առաւ։

Ասպուրակէսի համար դրուած է թէ «առաջնորդեաց դրանն խոսրովու» (Բուզ. 272), և ալդ կը ցուցնէ մեզ թէ իւր նախորդներուն պէս անտարբեր չմնաց աղզակին և քաղաքական դործոց ընթացքին վրայ, և թէ արքունեաց մէջ ստանձնեց այն դերը, զոր կը պահէին և կը վարէին Պարթևեան տոհմին կաթողիկոսները։

Ասպուրակէսի հայրապետութիւնն ալ կարի համառօտ եղաւ, միայն հինգ տարի (Խորենացի 100), որով կերեւի թէ սա ալ նախորդ Մանազկերտացեաց նման ծերութեան ատեն կաթողիկոս նստաւ։ Ասպուրակէսի կաթողիկոսութեան տարիները ոմանք եթնի կը բարձրացնեն, թերես 6 և է թուառաւորաւ չփոթմամբ. ուրիշներ երեքի կիջեցնեն իրենց ժամանակագրութեան հնազանդեցնելու համար, մէք զժուարթիւն չեմք զգար սկզբնականը պահելու։ Մահուան թուականը կը լինի 386. պարագայք չեն գրուած, իսկ գեթեղմանին տեղ դարձեալ հալոյնական Մանազկերտը պէտք է ենթադրել։

## 2. ԺԱՄԱՆԱԿԱԿԻՑ ԱՆՁՆԵՐ

Բուզանդի պատմութեան վերջը ինչ ինչ կցկտուր լիշատակներ կը գտնեմք Խոսրովի ժամանակ փալլուն սրբակրօն եպիսկոպոսաց և միաշնակեցաց վրա, որք ի միասին առեալ կարող են Ներսիսեան աշակերտութիւն և բարեկարգիչներու խումբ մը համարուել, իբրև նախընթաց Սահակեան աշակերտութեան և Թարգմանիչներու խումբին: Արդարոց լիշատակը օրհնութեամբ տօնելու համար, անունները կը քաղեմք այստեղ:

Յիշատակեալ եպիսկոպոսներն են.

Ա. Փաւստոս եպիսկոպոս, ծագմամբ հռոմ, թելակալ կամ գործակալ Ներսէսի, տասուերկու խորհրդակից եպիսկոպոսներուն թիւէն. տեսուչ աղքատանոցաց մինչև Խոսրովի ժամանակ (Բուզ. 273):

Բ. Զորթ եպիսկոպոս, ալի ներքինի, ընկեր առաջնոյն ի պատիւս և ի պաշտամունս (Բուզ. 273):

Գ. Արտիթ եպիսկոպոս Բասենոյ, Դանիէլի աշակերտութենէ մնացած, քարոզութեամբ չրջող մինչև ցիսոր ծերութիւն (Բուզ. 274):

Դ. Կիրակոս եպիսկոպոս Տալոց, լառաջն Շահապ կոչուած, հովուական աշխատութիւններով նշանաւոր (Բուզ. 278):

Ե. Զորթուաղ եպիսկոպոս Վանանդալ, նոյնպէս նշանաւոր (Բուզ. 278):

Զ. Տիրիկ եպիսկոպոս ի գաւառէն Բասենոյ, նոյն կերպով նշանաւոր (Բուզ. 278):

Է. Մովսէս եպիսկոպոս ի գաւառէն Բասենոյ, նոյն կերպով նշանաւոր (Բուզ. 279):

Ը. Ահարոն եպիսկոպոս, ալս ալ արդիւնաւոր (Բուզ. 279):

Իսկ լիշատակեալ միաշնակեացներն են.

Ա. Շաղիտա Ասորի, Դանիէլի աշակերտութենէն, ճգնող Սաւիթ լեառն, որ Ներսէսի մահը տեսիլքով խմացաւ (Բուզ. 224—226):

Բ. Եպիփան լոյն, նոյն աշակերտութենէ և նոյն տեսիլքը տեսնող, ճգնող ծովաց Մամբրէ լեռը, և լունաց կղզիներուն մէջ վախճանած (Բուզ. 226—228):

Գ. Առստամ, եղբայր Փաւստոս եպիսկոպոսի, ծագմամբ

Հոռոմ, ճգնող լիլարարատ գաւառի (Բուզ. 273)։

Գ. Գինդ Սլկունի, տեսուչ արեղայից, վարդապետ անուն ստացած, ճգնող Սսկեանց լեւան վրայ (Բուզ. 280)։

Ե. Մուշէ, ձեռնասուն և լաջորդ Գինդի (Բուզ. 281)։

Զ. Տրդատ կամ Տրդած, ճգնող ի Տարոն, Ներսէսի մահուան ներկայ (Բուզ. 281)։

Է. Վաչակ։

Ը. Արտուտ։

Թ. Մարախ. երեքն ալ Գինդի նշանաւոր աշակերտներ։

Այս սրբակրօն անձանց կը խառնէ Բուզանդ ստորին անձնաւորութիւն մը, Կովաննէս եպիսկոպոս, Փառէն կաթողիկոսի որդին, որ մինչև ծերութեան տարիքը ընչից տիրոջ արքունեաց մէջ ծաղրածուի պաշտօն կը վարէր։ Կը պատմութիւնէ չորս ոտքի վրայ և կառաչելով պալատին մէջ կը պտտէր և թաղաւորին մեղքը վերցնող ուղտ կը ձևանար, որպէս զի եւր վրան ազարակաց մուրհակներ դնեն։ Սա ինքն անկնունք աւագակ մը լեւան վրայ քահանայ կը ձեռնադրէ, որպէս զի եբրե իրաւունք անոր գեղեցիկ ձին գրաւէ (Բուզ. 274—278)։ Ասանկներու լիշատակութիւն ալ կրնայ իրրև զգուշաւորութեան օրինակ ծառայել։



